

愚山詩集



施愚山先生學餘詩集卷之三十六

七言律

武林送秦補念副使之洮岷

楊柳青青江上攀，春風嫋嫋動離顏。
詞臣坐控遷隅遠，聖代行看斥堠閒。
劍舞鏡歌娛夜月，塞雲羌笛滿關山。
惟應不忘西湖好，回首清樽畫舫間。

晚坐段橋值曹秋岳侍郎同限橋字

暮色蒼茫上野橋，絳雲明滅射山椒。
此時把臂滄洲客，何處當樓碧玉簫。
僧舍茶烟穿竹暗，漁舟燈火隔林遙。
蘇堤月出垂楊盡，學士風流總未消。

夜宿飛雨閣用韜公韻

長山夕生詩集卷三十一
高僧卓錫遶清泉逋客擔簦峰頂眠老桂雙株棲白鶴
寒池十丈長青蓮容容滿壁雲生榻耿耿懷人月在天
不信飛仙吹鐵笛窟龍驚起石樓前

鄧元昭萬竹園同李岷瞻作

古木叢篁一水隈百年丘壑首重回主人避暑深畱客
遊子看雲自舉杯池館風來蓮舫動山堂逕轉藥欄開
鳳皇臺上登臨地絕調誰同李白才

園外卽鳳皇臺

旅寓秦淮解蘭石農部移尊見過

疎柳高梧水閣西使君懷抱向清谿爲言笛步聽歌好
自喜金樽就客携畫省風流兼吏隱滄江雲月伴羈棲
清歡未覺消長夜銀漢垂垂拂檻低

贈林茂之

時坐客言先生貧無蚊帳

丈人八十骨嶮增旅食長干似老僧不惜青氈都棄擲
重禁白鳥太憑陵鈔書細作千行字扶病惟依七尺藤
莫話交遊全盛事平生意氣苦飛騰

于湖羅繡銘宅留別

宛水蕪江衣帶分流光十載一逢君開懷草閣天門月
望遠津亭楚澤雲高士牆東長避世孤蓬天末獨離羣
憑傳地下知音語腸斷臨岐不忍聞

繡銘言張來初先輩疾革時云江上

文詞後來盡屬宣城矣予不敢當也存以志感

南浦別李太虛宗伯之清江

九月三日

勞勞旋服日生塵忽聽霓裳一曲新歌舞百年忘老至

長山先生詩集 卷三十一
千戈滿地倍情親
開顏準擬重陽酒
解纜還爲岐路人
此別江城真咫尺
雙魚問訊莫辭頻

寄偉長燕江客舍

鳩茲烽火萬家殘
旅食僧廬百計難
宅倚舊山歸未得
心期流水向誰彈
斷雲送雁銜蘆遠
哀壑驚烏繞樹寒
拙吏自嫌愁太甚
新詩寄爾避人看

湖西到官後寄親舊

離筵永夕憶江關
共道官貧好是閒
別後畏塗無緩步
到來累月變衰顏
空村井竈多生草
禁旅旌麾日滿山
不遠故鄉書信斷
朔風今少雁飛還

荅張桐君粵歸泊舟見訪之作

天南地北各孤征，八載相逢百感生。
歡會對牀談異域，愁時吹角警荒城。
梅開水驛歸人路，雪滿江帆客夜情。
送遠忽驚鄉思劇，何年投老共歸耕。

得嚴子問書並憶其從弟顓亭

時寄七子
合刻至

歲暮南州雨雪繁，素書千里達江門。
才非阮瑀推同調，詩得鐘嶸有定論。
垂老餘生難閉戶，憂時獨坐易傷魂。
平原兄弟三年別，誰共西泠濁酒樽。

聞宋荔裳被逮

鸞翮如何觸雉羅，驚聞雙淚似懸河。
昔年梁獄書頻上，今日中山謫又多。
滿目陰雲愁雨雪，橫流滄海慎風波。
家山舊業丹崖近，倘乞餘生老釣蓑。

李梅公少司馬見過

鬱孤仙棹下螺川
蕭渚城樓共客筵
耆舊百年留海內
江山十里在樽前
宵分雨急妨高枕
亂後詩多嬾自編
爭似西泠遊爛熳
僧廬木榻話纏緜

余始識司馬於湖上

就亭落成

新營竹屋傍城頭
吏靜時聞江上流
古樹當檐堪倚嘯
青山入坐自開愁
舍情藟浦思公子
避世瓜園想故侯
邀得春風成爛熳
卜居何似浣花幽

臨江早春遣興

地暖烟深江楚間
春風不惜破愁顏
草初合處碧連浦
花未開時香滿山
曲檻緩吟黃鳥至
歸帆輕逐白雲還

飄搖無計攀叢桂坐嘯滄浪半日閒

聞方坦菴先生及樓岡邵村諸君放還志喜

不信遷臣尚許歸驚聞喜劇復沾衣尺書久斷沙塲遠
白髮重回恩遇稀身入玉關疑化鶴家居桃葉舊臨磯
故園親友俱無恙絕勝遼東丁令威

重登快閣同阮懷

江天十日半陰晴將去還來繞檻行極浦帆檣移遠樹
四山烟雨白孤城風塵驅使春垂暮愁疾登臨眼暫明
欲問涪翁祠下拜荒堦蔓草不勝情

閣傍卽山谷祠舊址

寄顧寧人

西泠別後興何如五見花開音信疎避地遠遊寒山塞

窮年獨坐夜鈔書洞庭山好家園在陵寢詩傳涕淚餘
此日惟君高臥得肯同馮鉞歎無魚

俗問次韻荅伯衡

燕雀莫草不測計

谷風書世

故人搖落數論詩惆悵家山桂樹枝兩歲中看驚老至
幾年前悔拂衣遲月明烏鵲江城夜霜重哀猿野岸時
聞道師行輸輓急窮檐敢說有仳儂

冬夜愚樓作

殘冬霜月夜何長冬月如春樂未央病客欲眠還露坐
美人幾處遠相望江空樹影來山閣風暖梅花開草堂
誰遣銜杯難盡醉一生清興在滄浪

人日同張清江升暘郊行

官路殘梅未忍攀
春來天地早開顏
出城小隊留精舍
倚樹孤亭俯碧山
多難喜逢人日好
勞生坐愛水雲閒
健兒帶箭休教射
野鹿江鳧任往還

元夕送陸緯臺歸靖江

燈前緩酌未成醺
欲別還留惜袂分
良會共憐花月夜
輕舟惟帶閣峰雲
簿書滿眼妨高臥
鞞鼓三年實飽聞
歸去家山閒暫好
吳江春色正氤氳

同張虎別大叅尋藥公因遊春浮園

前巒聽鶯好入林
重逢白社愜幽尋
迴谿複岫霾烟霧
老樹荒藤見古今
雨裏春光花檻濕
樓憑山色酒杯深

從嗟陵谷須臾變
別墅難忘謝傅心

謂伯玉太常

南州別伯衡

聯騎同尋孺子祠，高齋重別落花時。
庭柯隔歲餘嘉實，有佛手相尚在枝頭檻竹新梢壓舊枝。
客到東湖時對奕，雲晴西嶺一褰帷。
風光何限江離綠，愁絕孤帆獨去遲。

陶桓公讀書臺用韻

其東北卽劉次莊戲魚塘今廢

山寺鴉啼灌木陰，荒臺有客共登臨。
雲開遠岸青峰出，江擁孤城白霧深。
春草迷離絃誦地，夕陽憑吊古今心。
野塘流水渾無恙，舊刻殘碑何處尋。

行部次峽江縣

丹楓深照峽江清，萬事蕭森攬轡情。
斜日一過鴻雁影，隔林時送鷓鴣聲。
灘邊亂石漁舸淺，嶺際疎烟戍壘平。

勞我旬宣眞媿拙，愁看荆棘滿荒城。

玉華山碣題浮槎亭

有蕭伯玉楊寨雲雨先生題字

抱疴深媿未歸身，野鳥山樵暫主賓。
絕碣全消松閣暑，碧苔長護石崖春。
忽聞清磬知鄰寺，細酌寒泉見古人。
坐傍藤蘿聊解帶，僧厨葵藿豈愁貧。

登玉華山頂

翠柏戎戎挂夕曛，振衣江色嶺頭分。
顧山明滅數峰雨，蜀口青冥幾樹雲。
西壁荒祠陰慘淡，出城孤塔暮氤氳。
從傳絕頂餘仙蹟，縹緲何年鸞鶴羣。

登白鷺洲閣是前賢講學處

曲檻層欄白晝陰，憑高望遠百年心。
壓江城郭山光碧

長山先生詩集卷三十一
破浪帆檣雲氣深，舊蝕殘碑猶臥蘚。
新栽佳樹漸成林，鵝湖鹿野尋常事。
不信風流限古今。

諸公集青原山于廬陵送酒

重陽節後菊初開，秋色千峰埽院來。
僧自曹谿曾卓錫，客同彭澤一銜杯。
飛泉激瀨侵衣過，絕壁流雲拂面回。
白鶴歸巢林影亂，棲遲欲臥碧山隈。

吉州答宋其武少叅見寄

齒髮衰來帶有餘，離愁問訊數行書。
故人時汎東湖舫，拙宦惟宜下澤車。
山遶郡樓時過虎灘高，津市總無魚。
江梅野寺花如雪，記是春風握手初。

何省齋謫官嶺表中道引疾放還

書期殘菊醉同看人到樽前菊未殘叱馭倦過回雁嶺
還家早遂釣魚竿江邊解纜孤舟速海內論心一笑難
計爾趨庭方歲晏白頭相見定加餐

歲杪歸臨江聞吉州諸子仍集鷺洲講業欣然成

詠

寒江落照片帆分別緒千重鷺渚雲實恐殘年虛荏苒
遙憐諸子共殷勤魚龍澤畔章逢集雨雪聲中絃誦聞
曳勉心期良不改百年何處是離羣

歲朝登愚樓

嬾頌椒盤得誓開丹梯竹閣醉同攀枝頭晨鵲軒窻下
水面春雲埤塊間元日占年逢甲子平生知我是江山

流光努力成何事翹首扶桑滅舊顏
得王九山吉州客舍書

疎拙真攘與世違殷勤吾道似君稀
談經鷺渚烟中宿把醜螺山峰頂歸
野寺泉聲清客夢江梅花氣撲春衣
雙魚欲報心如結悵望香城暮雪飛

宜春臺

袁州

高臺聳出赤城霞客到春風正著花
曲磴寒烟真鳥道滿城芳草幾人家
雲端疊嶺當窻畫樹杪寒江遶郭斜
共說晴空見衡嶽馮闌身在楚天涯

悼黃馮陵鳴仙卒

君以築河夫役後期免官有歌姬先一歲歿

手板勞勞送病身歸魂無路認松筠
折腰恨乏公田秫

伐竹難填瓠子津詩帙久拋非政拙家園盡典爲官貧
却宜阿鶩先黃土不待丁寧更嫁人

甲辰午日臨江連雨寒甚

競渡由來易感人今年艇子靜江津且將歌舞娛尊酒
何似樓船接衆賓荷葉翩翩風入坐葵花欹側雨傷神
馮闌日暮添寒色五月披裘未是貧

决生泊袁州鐘山拱寄和宋其武少叅

向夕楓林祗獨看人家何處隔層巒問知野戍移舩就
聽到山鐘得夢安憶遠川塗秋雁下倦吟風雨夜尊寒
官程總在江湖裏底事勞勞羨釣竿

許元公置酒語石亭遇雨

亭是子初構

陰崖細靄入青冥坐石携尊向晚汀乍見華筵山鳥怪
共驚急筦野樵聽酒酣沾濕從花雨吏隱蕭疎是客星
緩帶雅歌君不忝風流它日記吾亭

悼王石攻先輩

著有易傳

先生注易自何年畏俗時吟獨漉篇正憶相逢在南浦
可堪別去是重泉分符仕久官仍薄盈尺書成世少傳
今日故交零落盡西華葛帔得誰憐

臨江秋夕

官舍蕭疎挂薜蘿城頭虛白見江波著書漫擬潛夫論
鼓枻長慚漁父歌人定松雲依檻靜夜涼竹露墜衣多
秋風早引東歸興松桂淒清舊礪阿

愚樓夜送吳勇公同年

江畔離尊落照殘
山樓直作畫船看
青楓露濕秋河近
菡萏風疎夜氣寒
同籍客多成短髮
十年書不到長安
後期握手知何處
酒罷婆娑更倚闌
吳山越水秋風暮
正在于役北上遙
來鳳亭落成郡僚諸公集
餞金鳳洲前橋
柏香草亭十笏面
滄浪修林碧樹橫
秋色一片青峰滿
夕陽遊子驚心王路遠
故人知我野情長
宵深月出還畱酌
如此江山不可忘

送張清江升賜之任思恩

鄉心七載與長安
粵嶺重禁客路難
木落洞庭天際遠
猿啼瘴海雨中寒
山村野市多獠戶
負弩稱觴半土官

南北風烟各回首勞臣萬里慎加餐
滕王閣值嶺南程周量同懷王貽出廣陵天劉歲
楚江粵嶺思茫然秋暮相逢古驛前
明月當頭今夜好
高樓作賦幾人傳橫空霜滿西山樹
倚檻風迴彭蠡船
不見苦吟隋苑客滄波千里盡寒烟

望湖亭

江天秋色似滄溟江岸何年剩草亭
浦外孤帆飛渺渺
波間白鷺去冥冥楚雲暗接宮湖濶
吳岫遙連廬嶽青
倚檻自多懷古意好風吹客暮揚舲

將至荏平有懷歷城孫作庭都諫

平沙孤戍野蕭蕭地近明湖岐路遙
白雪有樓誰眺詠

黃門幾載狎漁樵
天長海岱音書隔
客久星霜草木凋
晚歲論交懷抱盡
帝城尊酒憶寒宵

高唐用驛壁舊韻

竟日嚴飈捲客衣
朔雲吹急盡南飛
征夫寒問貂裘早
故國秋知鱸膾肥
載粟柴車爭趁市
傍林獵火蹴成圍
江鄉饒有蕭疎地
高臥何人老翠微

已出都門龔中丞書至

春明曉發立躊躇
飛騎還來惜別書
賦比文通重有恨
嬾如叔夜不嫌疎
形容老瘦風烟晚
戎馬關山雨雪初
南去五湖餘襍被
浮生準擬付樵漁

景州早發走筆別鹿田刺史

景州早發走筆別鹿田刺史

河陽淮北日思君信宿高齋任酒醺
旅雁自飛寒夜影老猿終戀故山羣
川原積雪雲皆凍海國天低路不分
重把瑤華愧玄晏憂心早已倦論文

時以詩屬序故云

書清河縣客舍

疎烟寒照一荒村小邑無城野色昏
久廢驛庭稀馬跡新營官舍總蓬門
地連河岸漁家少草滿田園井稅存
誰信江南此風景舟車絡繹不堪論

張鞠存吏部招集曲水園

同大可灘東西樵婁東季望雲子

叢菊園依曲水濱招尋主客盡詞人
吳吟洛詠開尊緩藥嶼漁舟入眼親
雲樹暮連千里色松筠高臥百年身

東山情興看如此肯踏長安市上塵

甓湖答梁公狄

千里尋君逢臥病杖藜還肯爲開門浮家不厭滄洲僻
抱膝誰知故老存白髮嘯歌含涕淚殘尊風雨自寒溫
扁舟歲晚歸人急信宿何年湖上村

攝山同方爾止

招提雲氣碧重重倦客尋山野老從雙井細泉通衆壑
六朝遺蹟剩孤松巖前夜色長江月檻外寒聲半嶺鐘
記取晴冬風日好携壺曳杖最高峰

省齋招同爾止夜集是日立春

揜關屏跡獨相親野客過從不厭頻念舊淹留宜卜夜
論心杯酌早知春檐梅檻柳含烟暖野菜溪芹入饌新

爛醉踟躕憐此會尊前一半白頭人

敬亭山同諸子

張谷受詹過千徐
若葵唐朕虞寅清

支許同懷丘壑心杖藜絕頂一招尋天風忽散江城雨
山靄平連浦樹陰古堦夕陽分野寺丹樓春色冠雲岑
十年遊宦經過少回首青冥舊竹林

重赴西江過別高阮懷

三載相思隔江水寸心開口向誰論滄洲傲吏難安枕
深巷幽棲合閉門谿接寒潮春驟漲山舍宿雨晝常昏
東風又送孤帆去剩有繁霜兩鬢存

寄熊于斥處士

雪堂先生伯氏

舊識元方兄弟名掉頭谷口獨躬耕身將丘索娛高枕

性癖烟蘿嬾入城竹閣秋晴千嶂色草堂風過萬松聲
塵中時有招尋約空望西山暮靄平

過伯璣新居

金陵遊子倦初還徐孺亭前屋數間小院空堦留種竹
高樓短檻得看山湖中片月依人近浦外浮雲盡日閒
愛爾幽居多古意茅堂稍似宛谿灣

白鷺洲卽席送陸麗京遊端江

湖上篇章舊出羣江樓高會俯浮雲沙明遠浦尊前見
日落青峰樹裡分多病風烟重把臂臨岐莫客細論文
崧臺知共螺江月對酒那能不憶君

端江崧臺

寄答沈方鄴

宛溪春暖憶論詩草閣藤軒夜醉時地近却憐分手急

情多翻致報書遲揚州何遜誇高調王阮亭得方鄴詩編示坐客流

水鍾期感故知尊公景山先生賞予詩弱冠時聞道扁舟將度嶺幾回

極目楚江湄

和莆陽張孝廉見過就亭之作張麟符

閩海歸心厭鼓鞳江亭野望倚丹梯殘年泥客同尊酒

幾歲看雲獨杖藜落木烟寒漁舍小青山晴壓女牆低

飄蓬苦憶張平子夜夜孤吟草閣西

早春即事和伯衡

阜帽扁舟興杳然憑陵高閣俯山川饑憐獨鶴看人立

笑指輕鷗覺汝賢庭橋自移疎雨後官梅爭放早春前

棲遲祇見添斑鬢，不記滄江臥幾年。

山曉樓和陳元水

空說看花郭外遊，賓朋春晚一登樓。
不妨細雨侵丹檻，自引青山傷白頭。
燕子低飛沙草暗，江聲直入郡城流。
平隄不見絲絲柳，何物天涯縮客愁。

一春嬾作詩，偶題遣意

官齋幾日覺春深，新葉垂垂古木陰。
積霧半藏飛閣影，浮雲不改故山心。
閒消茶笋勞僧寄，老罷鶯花讓客吟。
自抱無絃琴在膝，柴桑異代倘知音。

將入青原不果寄藥公

尋源采藥許相從，邃壑層巖宿雨封。
實恐春泥妨曳屐，

且馮官閣當登峰林邊沙徑舒新蕨礪外藤花挂碧松
遙寄閒心同此夜江城清夢似聞鐘

仲夏得大雨

驟雨翻盆入夏無
蓑翁野老劇歡呼
儘揀人吏盡鷗鷺
那可山城非五湖
壓竹偃荷枝半折
穿櫺漏榻卷全濡
天泉急注滿雙盃
茶試銅坑興莫孤

懷王印周學使吉州

絳紗清畫細論文
駐節絃歌滿郡聞
鄒魯遺風存鷺渚
生徒授業數河汾
洲前地白當杯月
木末樓橫過嶺雲
野寺泉亭堪並馬
不知何日得同君

新喻九日有懷閣阜之遊

五年九日長爲客官舍黃花祇自開碧嶂仙雲誰策杖
荒城落木獨銜杯楓林夕照千村見江岸秋聲萬壑來
迢遞故園歸計晚亭臯極目雁飛迴

將次袁州聞袁勝之進士客遊悵然有作

回岡蔓草易傷魏古驛茅亭帶雨痕晚熟香秔黃覆野
新添秋水碧當門空山人去迷仙棹老桂花開對客尊
向夕鷓鴣城裏宿高臺明月共誰論

平水暮秋登化城巖

乘興重過俯碧江天秋色上晴巒汀前沙暖烟還綠
嶺際風高葉半殘僧舍淒清松子落仙巖窈窕洞門寒
自憐未是山中客空向青山著意看

愚山先生詩集卷三十六
和伯衡長至見寄

至日書來已除夕北樓回首望南州
沙雲浦鳥催寒盡柏葉椒花笑客愁
窮海無人猶帶甲滄江何地許披裘
年來怪爾傷情甚頭白長吟憶故丘

寄題胡悅之草堂

處士園林水一方閉門幽徑薜蘿長
閒來隨意題僧寺老去何人問草堂
隔嶺春晴雲洞白濯纓晴愛密泉香
有白雲洞密泉經旬不出梅花落遮莫殘書滿石牀

寄石城胡將美同年

舊潯州太守最清約喜著書

中年高枕賦閒居野興從教與世疎
鍾阜晴雲時入戶潯江清節舊懸魚
看人笑却雙藤杖垂老狂貪萬卷書

憶在長干歡握手此來筋力健何如

聞汝聞郡使君龔扶萬左遷

不淺陵陽執手情遙聞解組一沾纓雲開郡閣頻留客
春入檐帷早勸耕治行久無龔渤海風流長憶謝宣城
北樓此日重寥落誰把清尊對月明

東毛大可客舍

獨俯江流望翠微它鄉幾歲換春衣身隨麋鹿家仍破
髮短星霜客未歸積雨孤城黃鳥歇平沙野寺白鷗飛
山中桂樹今憔悴何處攀援可息機

臨江春暮講學龍岡書院示諸子

時連雨
適晴

講席春風四坐生絃歌一日滿江城蕭灘帆落爭來客

閣阜峰開特放晴
經學自知慚士句
時賢應復有康成
龍岡鹿洞元相接
高會重會異代情

山中布衣楊耻菴
自楚來論學

鶴髮方頤白角巾
扁舟風雨泊江津
一尊執手來何暮
千里論交若有神
楚澤當年傳絳帳
漢庭它日重蒲輪
醉看花下談經好
坐上誰如井大春

懷曹秋岳侍郎備兵陽和

雲中千騎戟門開
詞客元兼武庫才
貂錦春閒青塞曲
旌旗晝擁白登臺
度支舊領軍儲重
方嶽曾從海嶠來
問道彤庭思故老
征西車馬幾時迴

寄陳仲獻蜀中

十年書記興翩翩萬里橋邊春可憐作客好依嚴武幕
題詩有寄薛濤箋山蟠邛笮巒鄉近江過巴渝棧閣連
憑仗故人相問訊幾時消息峽中傳

聞家研山侍御按鹽河東

蒲阪千山木葉殘遙聞繡斧出長安河流東控潼關嶮
嶽色西連太華看官暇應成鹽鐵論風清還稱惠文冠
對牀兄弟思良會惆悵秋天客路難

對山暮抵西山香城寺懷伯衡

先是相約同遊不果

蒼蒼絕壁迥龍窠陟磴攀藤一徑通茅屋數家松葉下
山程十里水聲中天開殿閣迴峰抱日落雲霞半嶺紅
正是登高時節近故人相望隔江東

送黎媿曾司理奉裁還汀州東

翠微樓上推仙吏
青草湖邊憶故鄉
山色遠穿百粵險

灘聲曲過九龍長
清時無事官應簡
才子閒居嬾不妨

便向東山營別墅
莫將華髮對滄浪

不果

樓榭

餘

流

國

憑

愚

施愚山先生學餘詩集卷之三十六終

施愚山先生學餘詩集卷之三十

七言律

丁未秋杪觴客李維饒孝廉宅

時行人吳澹庵以使至進士鄒程村

孝廉徐原一張天民文學徐伯調高阮懷皆客南浦予奉裁解官置酒與諸公別

歸帆不惜繫斜曛
歌管留歡到夜分
北極使星初駐節
西園才子乍論文
當杯坐對疎籬菊
過雨檐低別浦雲
酒罷明朝各天末
尺書那得慰離羣

風流送徐原一入楚訪李元仗

草萊

東湖風雨數招尋
惜別重看楓樹林
路入湓城吳岫遠
帆低鄂渚楚雲深
汀洲蘭芷含秋思
鼓角江山感客心
黃鶴樓邊逢李白
那能相對罷高吟

秣陵數與蓮西邵村省齋夜酌

時邵村歸自塞外余始相見

老友艱難絕塞迴同心復聚鳳皇臺共看青髯年年換
那惜芳筵日日開珍饌天寒圍土銜香醪月落倒山杯
風流盡是烏衣客疎放誰知卧草萊

園齋種樹木凡書根株樹譜

谿上小園春自花主人久客今還家藥欄欹折全應補
草閣清陰不厭遮雜蕊新移通徑曲高枝故放出檐斜
尋幽更擬桃源去五柳先生未足誇

二

疎籬野色入山家疊嶂春陰覆水涯乍起白雲飛繞檻
半枯老梅濃作花人間醉歌許林壑眼底屈伸看龍蛇

抱膝吾廬書滿坐臨風莫問髯將華

玉山寺得遲字

東臯日夜芳草滋二月未半已黃鸝深竹叢中尋舊徑

沃州亭畔長新枝

寺後舊有沃洲亭

晴溪綠水隨山轉陰岫閉

雲出樹遲好結高齋依白社峰頭吹笛月明時

宋李含章隱此

風月良夕輒吹鐵笛見郡志

牡丹花下集親舊

晴山積翠落江干小苑流鶯過藥欄並蒂欲翻含露重

高枝獨立耐春寒尊移上客風前坐頭白名花醉裏看

自古梁園佳會少百年今日故人歡

時同坐二十餘人談讌盡歡月出乃

散是夜風雨大作矣

送陶在魯別駕歸山陰 先是官樞部

城東春草日芳菲共餞單車向越歸
宦薄田園三徑在 心閒江海二毛稀
敬亭山下雲隨馬 賀鑑湖邊水繞扉
頗憶含香青瑣闥 可能長卧釣魚磯

入夏十日懷周釜山去年此日同泛臨江

五馬歸來卧五湖 今年詩似去年無
蕭灘月夜同蕭舫 橋圃風亭倒玉壺
官罷青山雙屐在 雲深滄海片帆孤
吳淞彫瘠重征斂 多恐閭閻病未蘇

吳湖州園次畱宴愛山堂 同阮懷

故人惜別自長安 官舍開尊共客歡
秋曉雲霞天日見 夜深風雨太湖寒
近階雙鶴隨清嘯 卧閣千峰耐獨看

我欲南游問嶺海扁舟臨發一凭闌

宿吳興碧巖寺

有白雲
峰最高

寺入青冥石徑幽長風落日客衣秋寒聲谷應巖前瀑
夜色湖明樹裏樓對榻一僧詩汗漫過山雙屐雨淹留
白雲峰下經行少更有何人絕頂游

茗上荅同里茅楚畹

時授經
郡齋

挾策悲歌憶帝都談經郡閣復游吳高齋松雪開書帙
美酒烏程滿玉壺夜雨官亭歡故舊春風畫舫入江湖
白蘋洲畔同君坐雅詠還如柳惲無

吳錦雯湖舫同荔裳稚黃武令

鷺渚燈前散客筵虎林雨後盪歌船清秋共劇江湖興

舊詠猶傳京洛篇往在都下有京社詩日落嚴城喧鼓角年來羈

宦總林泉嶺南幾載音書濶撩醉蓬窗對月圓

湖上別吳湖州繭雪先是同官比部

華髮歸來粵海餘白雲樓上夢應疎百千生事付高枕

七十老人能細書興滿湖山猶杖屨家鄰松柳自樵漁

明年肯就扁舟約春水桃花接草廬

江郎山江山縣志稱江氏兄弟登此山化為石

化石嵯峨靈蹟稀江天海嶠接清輝蒼巖萬古誰名氏

碧漢千尋人是非秋霽烟霞天外落夜深笙鶴月中歸

問君何日丹成去更作浮雲一片飛

建寧九日聞師次延平

老去重陽揀客舍落帆斜日投東溪百粵秋深帶雲霧
三山路近愁鼓鞳叢菊炎方底未發芙蓉荒館傍誰低
把酒登高復何處幔亭尚隔千峰西

天游觀贈谷語

天界寺僧又將往廬山

已窮九曲復同游一杖憑陵萬壑流
冒雨遠穿簾洞窟梯崖獨俯幔峰頭
夢回天界時飛錫興入匡廬更買舟
三笑不須尋白社共捫仙掌坐高秋

過延平

有黯淡灘

薄雲苦霧楓欲殷黯淡灘聲催客顏
城堞萬家出水上烟嵐一寺銜
山灣浮橋沽酒晚相就立鷺伺魚寒未還
千古沉淵好龍劍會須雙躍驚人閒

愚山先生詩集卷三十一
四
閩中集劉潤伯都使山笑堂

嶺外孤城暮雨寒
天涯握手重交歡
匏尊竹榭聞笙篴
海錯江瑤滿玉盤
喜接親朋從坐密
擎來稚子入懷看
歸心莫問青山笑
丘壑頻年卧未安

榕城值陸在茲

壯游何事感飄零
久客滄洲兩鬢青
幕府陳琳原草檄
朱門賈傅更傳經
九峰花滿仙人宅
百粵雲依處士星
痛飲過從吾不惜
高齋直擬是郊坰

客閩卽事

舊傳城南
多名園

殊方不定寒暄節
病客難調增減衣
江上人家聞蠶戶
城南園館剩僧扉
省兵日見兵船急
禁海年來海錯稀

嶺嶠近傳羣盜在風烟畱滯幾時歸

晋安客舍和家又王

難忘春草夢中情幾度秋螢客裏生舊徑荒蕪甘瘴海

清尊風雨對榕城窮愁漸老疎詞賦耕釣隨人混姓名

惆悵三山今夜月不知何似虎丘明

又王家吳門

蒲中贈余季蘆先生

公以徙海入城喪其伯兄有詩近萬首

舊業蘆中勝灑西飄搖松菊委荒蹊斷行獨雁愁霜冷

移樹哀猿帶雨啼病卧孤城滄海暗詩成萬首白頭低

鯉湖咫尺仙山在那得晴雲共杖藜

贈蒲中林氏兄弟

祖夏祖涵

東山一拳成草堂幾歲殺青書滿牀海日冥冥自烟雨

思山先生詩集 卷三十一
五
女蘿裊裊誰衣裳倚杖寒光豁雙眼窺檐怪石蹲羣羊
坐語壺公對尊酒有壺公山惠連兄弟興何長

侯官畱別林涵齋

海隅耆舊不言貧車騎時時問隱淪種竹山堂高卧地
杖藜野寺獨吟身自燒紫芋仍畱客閱畫滄洲肯贈人
朔雁南雲真惜別相思書札莫辭頻

偶書小齋屋壁

散帶狂歌五十春滄浪終笑未閒身善忘姓字頻詢客
慣詠窮愁忌忤人縱少三山凌海嶽那無十畝長松筠
坐看水際寒雲在白鷺銜魚過白蘋

張桐君嶺南書至

寒山木葉朔風摧萬里音書粵嶺來
事業只應歸絳灌
文辭誰復問鄒枚
頻傳海嶠孤烟動
十見江花瘴雨開
客舍鄉園各無恙
莫傷天末獨登臺

寄來于廬陵慧男致酒貲藥物

安仁自喜賦閒居
誰遣春風到敝廬
恨別舊諳雙眼淚
經年頻寄數行書
詩耽家學官仍達
力盡親交義未疎
爲報老夫憑藥餌
荒園小健得携鋤

元夜過唐耕塢舍人

時予適南州
唐將往豐城

幽棲草閣接河干
數擬花時問藥闌
斗酒坐畱銜夕永
孤舟別去雪江寒
白頭稍喜親交健
作客寧辭道路難
翻笑飄蓬多會合
廬峰滕閣倘同看

過水陽有懷吳雨若

積雪羣山尚渺茫
流澌短棹入滄浪
劇憐春色郊扉早
借問高齋野徑長
漂泊審音存季札
艱難賣藥老韓康
文章何物牽情思
杖策還應就草堂

將次荻港

雪滿寒江向晚晴
舟隨淺渚鑿冰行
蒲葦遠入水雲色
鳧雁羣飛風雨聲
潮送石頭歸棹急
磯回板子戍樓明
從來扼險成何事
廢壘年年草自生

寄屈清江遜公

先是予官湖西駐節清江

河陽能吏自聲名
憶昨扁舟送我情
一卧空山依桂樹
幾回飛夢共江城
龍岡講席寒雲在
橘圃官亭茂草生

努力莫嗟懷抱盡縣前秋水照心明

贈李袁州煥章

郡連湘楚最關情自許臣心共水清疲邑征輸煩五馬

古祠絃誦集諸生江邊日暖褰帷靜野外春深買犢耕

風土更聞多記述知君早晚報書成

特刻袁州郡志

南浦贈鄭次公

貴溪人自翰林轉水部時見示詠梅諸詩

谷口幽棲卧幾回較書曾向石渠來鄭莊好事貪畱客

鮑照新詩詠落梅帝子閣前新漲綠藐姑山下百花開

風流水部還青瑣後會何時共酒杯

俞達夫邀集螺墩

同周伯衡張幹臣楊陶雲

畫舫清歌倚洞簫精廬小閣出山椒春光到眼忽過半

愚山先生詩集 卷三十一
詞客同時屢見招散馬汀洲芳樹少落霞紅閣數峰遙
從來宦跡隨蓬轉不擬鄉愁傍柳條

麻姑山中遲徐仲光不至

滿樹辛夷花氣薰石壇精舍竹邊分孤亭寒引雙流瀑
五老晴飛衆壑雲日暮洞門誰識路春深鸞鶴自爲羣
幽人尚隔前峰外昨夜仙歌何處聞

雲門寺是麻源第三谷

度嶺穿巖日欲晡溪邊野寺白雲孤殘花滿徑鹿來去
幽鳥數聲僧有無烟火人家依谷口胡麻仙飯問山厨
尋源盡處知何盡自笑愚公老更愚

贈任清南郡丞

時自粵西慶遠遷建昌

任昉家聲世所知，乘輶到郡及春時。
王程不憚炎方瘴，官橐惟携柳廟碑。
古寺花深陪客醉，山城事簡放衙遲。
麻姑瀑布雙飛近，它日重期倒接巖。

龍道顯進士自吉州見過

寒江遠道素交來，南浦春殘未肯迴。
客裏停舟惟把卷，雨中燒筍共銜杯。
同心講席追陪久，捧檄官程早晚催。
汝去吾衰重契濶，看花執手一徘徊。

荅胡萬安邕藩

相思千里故人存，書到空深別淚痕。
廉吏風流成拙宦，荒城雲物一孤村。
灘聲夜入琴堂靜，嵐氣春垂驛路昏。
逸興還來問新句，那能灑酒對江門。

寄王若先孝廉

王自南州入閩予返自
盱江途中相趨不及

差池來往各風烟
南下閩江路更偏
三谷近過仙子宅
九峰遙接孝廉船
殘春搔首龍沙畔
舊夢談經鷺渚邊
垂老新詩須付汝
滄洲良會復何年

章江李少司馬園林畱別

名園占斷蓼洲灣
况復歸田得暫閒
海鶴雙棲重哺子
籜龍新長半藏山
不煩着屐頻登望
獨為看花數往還
垂老扁舟容易別
幾回芳樹醉同攀

高阮懷省試見放

比舍論交二十年
同游看月百回圓
疎狂合側時人目
騰達還餘幾輩傳
久病共擽逋酒債
長貧誰辦買山錢

秋寒夜雨思朋舊何處生涯不可憐

集家園桂花下

垂老歸田見汝稀攀條藉草惜芳菲
交柯細葢橫欺髻
匝地繁花覆滿衣朋舊追歡成四坐
蓬蒿作意拚雙扉
谿漁野醉君休問招隱於今願不違

陪唐寓庵使君汎舟響山潭因登玉山

陵陽南畔釣龍灣赤壁高臺綠水間
一自錦袍仙去後
到今烟月意長閒扁舟載酒隨登涉
野寺穿林數往還
半醉接羅從倒著習池爭似此溪山

地故竇子明釣白龍處李太白嘗游

詠

愚山先生詩集 卷三十一
秋晴難負登高節策駕重尋玉嶺遊不信茱萸催我老
寺教白雁喚人愁迷離雲樹垂村舍遠近江山入寺樓
坐送夕陽歸棹急蒼烟明月滿汀洲

汪發若孝廉陽坡草堂

門徑陰森石磴斜城頭山館樹交加雲霞遠色橫千嶂
雪月寒光俯萬家烏几琴書皆傍竹陽坡風土舊宜茶
愛君兄弟過從數每歲吟看滿眼花

山行入寧川界

箬塢梅溪道路長重林秋色遠蒼蒼野禽羣散入寒霧
山果葉稀明夕陽貪逐峰巒樵徑失試餐杞菊石泉香
田家谷口容棲託無數藤蘿覆草堂

訓陳遠人見過

雲山山下北湖濱古洞幽居少四鄰
半畝自鋤非舊業百年高臥見遺民
苦吟立盡溪亭月懷友闕過野寺春
遠別素交留永日不妨題句滿松筠

過唐彥升野館

江郭茅亭沙鳥鳴相過不惜杖藜行
田園逝水貧能學家世論詩舊有名
繞屋寒雲人境遠讀書秋樹野塘清
期君斗酒何時醉搖落重含恨別情

宗人次騏孔固至自蕪湖

雨雪山城暗未開江頭何意片帆來
羈棲避俗書盈篋真率論交酒數杯
家破尚畱廡下客時危誰惜郢中才

于湖文酒多朋舊搖落離居盡可哀
悼蕭尺木懷沈天士

贈李茂之處士

老去歡顏自渥丹春風拂檻好加餐
牀頭周易日頻讀肘後方書時一看
餅醉紫螯留餉客家臨綠水不垂竿
眼前耆舊誰為傳混跡從教戴鵝冠

寧信寺看牡丹

相傳百餘年物

策騎穿林興不違春陰入寺正芳菲
風摧檻壓枝無數古幹叢花世所稀
碧蘚半庭供客坐青山幾處繞僧扉

當年吾叔經過舊徙倚含情待夕歸
家叔嘗讀書寺中

新城訪王肇生歸舟卽事

宣城北郭有地名新城

三月乍暖如暑天溪光柳色清可憐
野渡孤村浮鏡裏

敬亭列嶂橫眼前平沙深巷見高樹菜圃麥畦交綠烟
幽人坐語從日暮歸路晚風歛客船

一簋約和張陸舟

看花老眼倍憐春花下同遊復幾人兼味貧來猶是累
一尊興到各隨身携從藉草追丘壑會止比鄰畧主賓
翻笑朱門真鹵莽萬錢廢箸總埃塵

嘲友人閉戶

坐卧茅堂對北樓敬亭招我及春遊好將朋酒穿雲去
忍背鶯花盡日愁跡謝窺園終索寞詩成躡屐儘風流
林塘莫厭經過徧剩水殘山足勸酬

雨阻不得登澄江亭

郭外澄江照眼明一春宵放幾朝晴雲寒野渡扁舟少
雨漲山橋亂水平滿砌濕花愁語燕高流捲幔待流鶯
良遊咫尺頻虛約三徑何須草盡生

夜愁朝雨

午夜攤書厭短檠來朝酒伴許相迎林花爛熳鳥休啄
野老顛狂席任爭乍喜疏簾通片月休教急雨亂殘更
華陽疊嶂賒晴色拂曙先生杖策行

莆田鄭牧仲未面枉詩見訊

有賣卜遊
匡山諸詩

未見幽棲谷口人詩來肯寄楚江濱藏書剩有君山富
賣卜誰言季主貧夾漈湖邊高隱宅匡廬峰頂獨遊身
從誇謝朓吾何有徒遣相思白髮新

廣陵值趙五絃歸自慶遠

西江送別路偏長年髯詩篇各老蒼萬卷隨身輕五馬
孤舟落木下三湘宦成家在笙歌地病起人歸瘴癘鄉
見說登山復臨水拂衣何處不清狂

題李鏡月七星巖畫卷

曾向崧臺汗漫遊淮南狂客重停舟峰回炎塞星辰合
雨暗荒城島嶼秋指顧江山窮百粵逢迎詞賦動諸侯
仙巖舊日題詩處爲我看餘幾字留

顧來玉歸錫山

時爲其先公雙九乞志墓故有未句

亂山涼雨足秋陰兩世論交感素心官舍別來頭半白
草堂接近日相尋盤餐簡畧家貧見楓樹蕭森客路深

愚山先生詩集卷三十一
猶恐作碑慙有道十年舊淚一沾襟

洪林過湯衣白

十餘年別各蒼顏依舊南村屋數間
偶種野花成小圃醉題拳石當名山
支頤草閣雲千疊倚杖楓林水一灣
宅傍麻姑仙竈在勞人衮衮讓君閑

郭瑞屏山樓

幽人舊宅園林幽地暖冬深如早秋
旋網池魚供客饌共邀松月醉山樓
青衫笑擲羊裘在華髮行歌礪水流
生事漸看婚嫁畢向平五嶽可能遊

王舍人丁員外書至

王隴西
丁次蘭

比歲長安一字無真貪散髮卧菰蘆
青雲何意收知己

白首相思問老夫揚馬文章歸省署漁樵風雪自江湖
殷勤莫說彈冠事借箸藏舟未是愚

元旦雪霽試筆

袞袞流光草草身雪殘稍見歲華新
冰花滿樹初迎日寒鳥爭枝早弄春
萬事已撩無長物百年誰讓作閒人
兵荒未靜田園穩匹馬愁驅薊北塵

時捧檄當詣部

早春放舟至湖北

帶郭清溪接翠屏雪融灘漲水泠泠
湖雲送雨滿帆白沙柳禁寒一夜青
烟火空濛幾村舍藤蘿縹緲誰家亭
半醒半醉浮槎去肯信人間有客星

張友鴻雲間

君有竹深草堂

愚山先生詩集卷三十一
壯心何事老江門水郭山田自一村捲幔春風書帙亂
閉堂夜雨竹聲喧管絃每顧花前曲賓客時開湖上尊
漂轉餘年懷舊切扁舟須就辟疆園

過何次德孝廉

名都彥會不嫌真疎節還收我輩人冠蓋如雲從滿眼
文章何物獨傷神半生結客交游倦三世鳴珂藥餌貧
桃葉渡頭晞髮好春風還愛舊松筠

與商賢夜酌

無復秦淮歌管年風流笛步水亭偏一庭紅藥送春雨
夾岍垂楊縮客船飄泊心閒餘汝共哀吟頭白好誰傳
月明尊酒從深酌惆悵高樓畫角前

和錢湘靈見贈君有萬竹園壯丹詩和陶飲酒廿首

孤飛西北一浮雲造次相逢客路分
金谷勝游花下得柴桑逸調酒中聞
風烟荏苒思回策心跡疎慵薄賣文
良會江城同惜別擁書高坐獨輸君

酬顧與治從子友惺

顧况風流久絕塵如君詞翰復清新
比鄰晨夕來看客話舊悲涼易感人
生事閱憑一研得幽居長占六朝春
秣陵遺老今搖落壯歲高歌莫厭貧

謁闕里廟

禮器千秋自杏壇陰森夏木曙光寒
古牆定有書還在講席猶疑語未闌
泗水迴波清俎豆岱宗真氣抱林巒

愚山先生詩集卷三
丈夫一到堪回首誰謂吾生聞道難
公宗真乘此林
器初入都集王西樵阮亭邸舍同荔裳顧庵繹堂周
量賦得初字

故人沽酒解金魚散帶開尊見面初
客坐清陰生竹樹
交情白首暱樵漁弟兄比舍長聯騎
風雨連牀祗讀書
契濶不嫌來往熟過從晨夕卽吾廬

飲家薩我官舍率爾畱贈

吾宗真有古人風茗竈詩籤滿眼中
避世散曹從老去
殺青連屋任官窮城頭山見疎簾捲
河朔尊開舊雨同
解帶共攬泥飲得醉餘騎馬忘西東

別紀蘖子

時客龔宗伯宅

白頭重別暮尊前桂樹風涼八月天作客可能忘草閣
移家聞說買江田貴游每結五生襪詩品羣推記室篇
長憶鍾山存一老十年風雪滯幽燕

君自號鍾山一老

集董默菴編修宅

隔巷比鄰跡未疎直容騎馬到階除
朋來南國傾家釀雨過西山爽客居
藜閣早年新載筆石倉幾世舊藏書
下帷莫訝窺園少漢室儒流數仲舒

送郭生洲副使之漢中

梁州形勝自嶙峋千騎重開憲節新
仙嶺連雲元枕蜀漢山積雪俯看秦
烽銷戍壘江流穩鯉膾金盤丙穴春
此地雙旌來往熟長驅不是倦游人

郭已兩宦蜀中

贈謝方山舍人

相國之子有春
興詩傳都下

薊門邂逅輒相憐
畫省含香正少年
舊郎平津諸客散
新詩康樂幾篇傳
梅花春興江湖滿
芸閣秋懷岱嶽懸
燕市悲歌吾意盡
眼中誰復賞朱絃

畱別張箕山學士

誰識金門大隱人
共看眼底一浮雲
西江尚憶螺川會
北闕重驚龍劔分
得路臯夔應自愛
歸田猿鶴舊為羣
蘭舟竹寺秋光遠
何處青山不憶君

飲梁蒼巖大司寇宅

不到青門七載餘
重煩問訊及樵漁
官因再起名逾美
法用三驅網自疎
風雨夜畱珠履客
舟車時擁石倉書

相逢便許相酬唱，倘得新詩慰索居。

都門臨發周量同，阮亭追送出詩袖中。

涼風吹面客心驚，二仲勞勞復送行。自喜清溪三畝在，相憐白髮一時生。烟霜搖落題僧寺，文酒招尋夢帝城。何處離情最蕭瑟，江船夜雨滴殘更。

送劉峻度同年之官曲陽

孤城見說帽山下，幾處人家近翠微。候館少逢驛使到，縣齋時有嶽雲飛。素琴在膝官應服，名士分符客盡歸。舊日園林僥樂事，霓裳一曲肯相違。

君有家伎自言作吏當廢歌舞

王敬齋宗伯招飲園林

兩世官兼八座名，東山不淺謝公情。圖書坐對花千樹，

長山先生詩集 卷三十一
絲竹都闕鶴一聲卜夜歡筵寬禮數嬾朝詞客肯逢迎
朱絃舊忝鍾期賞十載徒增白髮生

錢介之少叅請郡得成都

出牧誰言蜀道難風流秉節舊郎官
劔門石棧披雲入錦里春江露冕看千騎
寧逾五馬貴孤城坐控萬山寒
浣花溪上祠猶在疎竹蕭蕭賸幾竿

施愚山先生學餘詩集卷之三十七終

施愚山先生學餘詩集卷之三十八

七言律

中秋次大寧孫唐山煥吉留飲

雙旌日暮出孤城
造次移尊十載情
岐路客逢佳節會
中天月為故人明
鄉心露坐衣從濕
驛樹烏飛夢自驚

白首高歌還北望
舊遊詞賦滿神京

謂宋王諸公

嵩洛途中追和鄭次公水部送別

燕臺把酒罄交歡
逋客心知聚首難
短鋏拂衣隨雁去
好山留意侍人看
津亭明月砧聲亂
野樹斜陽木葉寒
惜別彈冠總閒事
白雲無恙報平安

河北值吳賡菴少司馬

時方除服奉特旨徵拜

八騶飛鞚入彤墀
駐節停車慰別離
落日漳河還執手
銜杯練水憶當時
主恩三錫絲綸重
客路孤城風雨遲
若問蒼生定前席
艱難好達九重知

夏峰贈孫鐘元徵君時年近九十

城南平野却山村
屢下徵書卧華門
地擁九峰三徑好
天留一老百年存
著書濂洛追前輩
比德荀陳見後昆
搖落斯文耆舊少
結廬便擬共雲根

懷慶別彭太守悟山

郡治舊有
望岳樓

駐馬孤城落日黃
燈前執手遽飛觴
情知客子分襟遠
故緩笙歌送夜長
山曉登樓看少室
花時行縣擁河陽

富公此地三為牧
風澤於今尚未忘

富文忠嘗
三判河陽

登偃師城懷古

伊洛波寒漸作霜
嵩山入望倚天長
吹簫廟古存緱嶺
叩馬村傳自首陽
輔嗣斷碑秋草沒
田橫高塚暮雲黃
可憐周武休兵地
亂後空城半白楊

宿少林寺

夕陽半嶺照松關
初地幽棲少室山
僧磬自鳴林鳥靜
天風不動石蘿閒
懸巖五乳青冥外
古樹三花杳靄間
聞道折蘆人去遠
錫飛常帶白雲還

九日登法王寺

重陽昨夜雨初晴
翠壁層開稱客情
野寺路迴飛塢見
嵩門峰斷早霞生
碑傳淨域僧還少
葉滿空山鹿自行

長山先生詩集卷三十八
令節吾衰猶濟勝西風杖底落鐘聲

懷王蓼航共城

王汴人流寓輝縣亟稱孫徵君理學嘗登嵩山絕頂

客裏巖棲近幾年藥欄花嶼讀書眠論詩自許中原長
問學能推故老賢宮苑丘墟悲汴水杖藜烟月俯嵩巔
尊殘岐路驅遊子回首清光夢百泉

阮許州崖山夜宴西湖

州有德星亭曲水園梅花堂諸舊蹟

曲水梅花蹟杳然西湖不改野亭前清歌短笛誰投釣
荷芰鷗鳧自繞筵露坐中宵秋乍暖烟疎別浦月初圓
高陽舊里吾儕聚今夜德星何處邊

哭劉尚書瀛洲先生

公為司空冠時予官曹郎禮遇甚異常誦予詩於朝列

河嶽耆英更數誰銜恩知己淚雙垂羣空東國持衡日

髮白西曹解網時
勇退尚朝疏
傅晚論才猥
許杜陵詩
祗今總帳天風急
日暮徒催野客悲

山陰張陸舟自宣城移家白門

移家頭白仍為客
寒浦清尊動別愁
把臂看成三世在

比鄰真共十年遊
鳳臺鼓角江雲暮
牛渚霜帆楓樹秋

六代繁華搖落盡
山陰何日掉歸舟

携尊敬亭山閣飲馮木伯

霜巖松竹就荒蕪
踏葉看山興莫孤
樓上仙人曾倚檻

林間野老自携壺
雙溪遠浦時回合
絕嶂閒雲乍有無

拄杖狂歌從日暮
何妨謝李是吾徒

送馮天貞之許州兼寄阮刺史

積雨春寒策騎行多年名士尚諸生遙知下榻需徐孺
 共說遊梁重馬卿桑落清尊官閣醉梅花殘雪戍樓明
 西湖共憶題詩處月夜曾同阮步兵

蘇軾望北郭一帶桃花率爾步屨

同梅淵公

王山人曾尚書

送客橋邊小徑通笑看郭外卽丘中數峰霽色猶殘霧
 深樹春光自一叢近柳僧扉經雨綠傍花竹屋隔溪紅
 身閒隨事取稱意林叟重招石礪東

蘇東贈梅木山

蘇東贈梅木山

東郭幽棲碧樹間北窻時見敬亭山青衫早棄從高枕
 綠酒相看一解顏偶出爲尋書卷去獨歌閒傍野雲還
 子真市隱今誰問家近寒谿揜竹關

聞龔宗伯病愈

尚書起色領朝班
劔履仍趨閭闔間
伏枕人傳生白髮
拂衣天未許青山
恩深藥物還沾賜
興緩詩篇小放閒
此日加餐相慰藉
九重應爲動歡顏

遣興

壬子四月

看雲種竹草堂身
歲儉時艱甑有塵
伴託嘯歌迴爨婢
嬾將顏色向時人
中年愁老休催老
往日官貧不計貧
猶有窮交責升斗
含情自笑敢辭嗔

溪園閒興得書字二首

沿溪十畝抱吾廬
舊業桑麻五世餘
借木稍編顏去壁
隨身時帶讀殘書
雨過深樹來黃鳥
風定清池見白魚

愚山先生詩集 卷三十一
誰道先生高枕得閉門頻枉故人車

二
歸田真作野人居恨少紅亭傍碧渠籬畔春添侵徑竹
花間手種半園蔬病殘轉悔空耽藥老罷纔諳未讀書
看我拙勤徒若此兒曹嬾去復何如

閏七夕和韻

依舊明河限碧天女牛消息又頻傳從教歡會重今夕
轉益離愁似兩年綵線倦穿樓上立鵲橋還耐斗邊懸
愚溪乞巧徒多事費盡人間瓜果筵

響雪亭

黃山白龍潭
上和曹賓及

凭闌獨坐晝冥冥誰向雲根置草亭晴日峽飛千嶂雨

秋空潭見數峰青，泉幽好入酈生注。井近應留漫叟銘，
憑仗村翁謀斗酒。涼風拂面總成醒。地近煉丹井

雲谷擲鉢菴

山如覆鉢菴舊為某處士書屋

仙掌稜稜拂紫氛，層峰回合檻邊分。何年書屋成僧舍，
有客秋巖坐夕曛。古鉢誰翻千仞石，寒鐘難出萬重雲。
龍泉日夜潺湲去，流與人間幾處聞。

重九前二日曹使君再集斗山

同高司馬鄢別駕分得頻字

論文良會不辭頻，露坐殘秋當好春。風細暮雲深繞樹，
臺空新月故依人。山頭預把茱萸酒，物外誰閒吏隱身。
乘興題詩從造次，莫應此夜動星辰。

題畫為程山人以樞

愚山先生詩集卷三十一
何處潺湲滿耳聞空山深翠亂斜曛瀑流寒見半峰雪
松卧翻成疊嶺雲茅屋藤梢晴漠漠石梁花氣暗紛紛
長鑱采藥此中去莫厭身隨野鹿羣

歙浦遇涇川趙考叔知汪發若在涇上

練江遊子方羈縲控鯉仙客來琴溪賸有菊花供爛熳
那無斗酒相招携路難秋夜髮欲白霜滿山城烏自啼
聞說汪倫未歸去醉醒好共吟水西

唐使君寓菴宴梅花亭

時將于
役淮上

何遜風期許入林謝公樓畔復招尋寒花故照離人酒
仙吏閒同野老心江上雪晴孤棹遠檻邊山繞暮雲深
官梅水驛多無數淮甸江門幾處吟

過淵公看牡丹

繁花一日簇闌齊散雨含烟傷客低地接比鄰拚盡醉
春看過眼嬾重題檐前好鳥經時立葉裡遊蜂去路迷
飛蓋傳觴還我輩詠歸月照小橋西

寄答吳江徐松之

有美詩篇笠澤傳江山藻思太翩翩園林夜醉書爲屋
吳越春游客滿船避俗爭留徐孺榻殺青判賣杜陵田
五湖新漲桃花水烟艇相逢何處邊

訓汪澹菴同年

江上芙蓉漸作花尋山來問謝公家潭烟共泛青溪酒
風物先題綠雪茶入直弟兄同館閣耽遊楚越引仙槎

愚山先生詩集 卷三十八
金臺聯騎渾如昨不分相看鬢欲華

汎青谿 同瞿山桐巖和梅士

江村野寺綠初齊風物何如罨畫溪觸舫空潭雙鯉躍
傍巖幽樹一鶯啼子明舊蹟摩巖得紀叟春醪滿甕携
听柳汀花隨客意棹歌深處夕陽西

哭蔣虎臣修撰 坐峨嵋山伏虎寺留詩卒

遠游汗漫錦江春苦愛逃禪問許詢垂訣一詩猶說偈
繫官幾載自嫌身半肩華嶽峰頭月夙世峩嵒寺裏人
難忘平生相勗贈長干臨別語酸辛

和程叔夜雨獨宿郡閣 時共修郡乘

永夕殘編祗自論蕭條官舍亦閒門時艱短鬢詩書賤

雨急空齋燈火昏
問夜羈心聞戍鼓
懷人歸夢逐山村
誰知野館江聲裏
有客相思罷酒尊

雨夜重懷景威程叔

長夏如秋良不惡
劇憐御裕生淒寒
重雲滿榻裏書濕
隔巷衝泥携手難
水閣山城
淄淄憂時望歲宵
漫漫門前便與江湖接
會放漁舟乘碧湍

不獲辭郡志之役聊述媿

分曹比舍盛文儒
末議何容野老俱
事異史裁無獨斷
書成官限迫須臾
富人却米同揚子
直筆捐軀媿董狐
縱有三長那免拙
誰憐一得總爲愚

中州蕭鶴聞周雪客過集草堂

同耕塢瞿山方
鄴耦長士旦

長山先生詩集 卷三十一
臨溪傍閣草堂偏隨興看雲野老筵曲檻晚涼疏雨後
昭亭秋色綠尊前樓當謝守憑軒處客並梁園作賦年
倚醉狂歌輸爛熳詩成京洛漫教傳

寄石埭姚明府六康

姚不肉食

金城山下舊陵陽仙吏風流復此方手自絃歌傳邑里
坐容賓客倒壺觴王喬鳧鳥飛騰遠裴相伊蒲歲月長
猶未忘情詩卷在苦吟翻喜得身強

初至龍谿莊

老罷纔諳農圃歡身閒一就渚田看霜前稻蟹初登網
雨後湖菱旋入盤秋水送人漁艇便野雲留客酒杯寬
誰營草閣憑疎柳來往雙溪試釣竿

桂花三發彌盛舉酒客至

攀援歲歲逐溪來有客過從漫舉杯地僻好留堅坐看
花遲贏得滿叢開殘秋暮雨愁香減少日春風憶手栽
黃菊含情先讓汝白頭相伴莫相催

送沈天士營葬其伯氏雨花臺畔

嚴飈昨夜動江城江上歸帆帶雪行車笠舊交皆失路
鵝鴿遺痛一吞聲牛眠新卜雨花地馬鬣重傷挂劍情
正學祠邊留短碣他年俠烈好齊名

敬亭雲齊閣限齊字

同張南村梅
耦長許雪懷

傑閣平臨萬岫低亂雲迴合擁招提重陽節後蒼山靜
衆壑霜前錦樹齊晚菊秋晴看客笑寒禽日暖作春啼

惠山先生詩集 卷三十八
與君不盡憑陵意絕頂行歌復杖藜

遺王安節斗酒索畫得報詩

素交零落石頭城暫住長干舊恨生
顧影自傾同栗里分杯君合勝公榮
雨窗禿筆青山出江閣開雲好句成
王謝風流看未歇暮烟歸棹滿離情

吳超玉携酒就徐田東水亭

同商賢

竹籬傍水勝江村古樹霜披舊蘚痕
地僻高人長抱膝天寒好友遠移尊
軒窗晚覺滄洲入烟雨時看白鳥翻
不是尋常文酒會漫將遊宴擬梁園

尋王元倬孝廉是年八十有一

高齋冬霽總如春倚杖留歡接膝頻
舉世已稀同輩客

百年重見獨醒人閒收菊枕緣多淚判棄山莊不厭貧
好補石城耆舊傳掉頭宵復望蒲輪

山頭燈夕送梅孝廉不次還肥水梅久客肥水暫歸宣城聞兵警復去

射策初回舊草堂華燈雪夜勸君觴忽看歸客成征客
轉逐它鄉作故鄉金斗城邊江路遠瞿硎山畔洞門荒
青春畫角關心甚離思遙隨驛柳長

山行經野寺小憩

藤陰礪響涓涓轉野寺松雲冉冉新下馬徑須投白社
逢花誰不枉青春怕過朋舊盤餐費喜就林泉書卷親
詩句每從行處得高吟那問路傍人

送高郡丞蒼巖還新安時已報遷蘇州太守

方春握手忽春餘風雨陵陽坐讀書舊憶清尊開郡閣
頻煩小隊問吾廬蓮峰雲送江帆遠虎阜花吟露冕初
吳會山川文物在能詩常侍興何如

涇川石山菴

故許相國
讀書處

疊嶺行來碧嶂寬天開禪室倚林端夾籬新笋筠初解
滿徑幽花雨未殘峰頂泉聲龍窟穩書堂人遠石門寒
爭傳相國曾留碣杖策層崖拂蘚看

過烏溪重宿葉漢章山齋

山頭返景散寒烟列嶽爭回溪館前紅藥風翻花照水
新桐月上客當筵園林果盡閒居賦諫草家傳折檻年
若使盤餐能簡易經過長對石牀眠

新安城南龍井山閣

老去難禁野興賒
江樓晴日俯雲沙
舟回亂石漁梁淺
城抱青山雉堞斜
古木千章陰客坐
源泉一勺自僧家
紫陽舊蹟西峰近
祠館參差著晚霞

田間漫成

歲歲田租倚俸錢
去官何計復留田
長慚谷口躬耕處
空憶天台采藥年
性嬾千人疎簡牘
題因存友恕詩篇
豆畦瓜架秋陰外
倚杖還聽過雨泉

城南莊觀獲

跡繫江城野興長
南鄰曲塢接山莊
攤書棚就青松坐
隔水園開早栗香
獨客村厨惜雞黍
斜暉丘隴散牛羊

愚山先生詩集卷三十一
遙憐楚粵軍，麾滿幾處田疇。戰後荒

趙天羽戶部至自海陽

百年交態倦，重論客有臨。溪叩竹門正，憶練江陪畫舫。
相看疊嶂共清尊，文章搖落孤雲暮。園榭荒蕪老檜存。
造次霜帆一，分手干戈離索兩消魂。時賊陷徽州

劉畊南見過飲花下感舊

一尊相對正花前，回首交情四十年。春寺玉峰携手入，
霜天溪館共床眠。當門叢竹閒開逕，避世南陽學種田。
烟樹吾廬真比舍，杖藜重醉菊亭邊。

西津白雲樓有蕭太守石刻

臨溪背嶺自仙丘，舊碣爭傳五馬遊。路轉嵯阿深見寺，

雲飛水上故當棲長橋返照沙潭淺宿霧孤城木葉秋
西望瞿硎應不遠幽栖石室幾人留

疊嶂山房送旌陽劉君實

作客江城坐翠微梅溪歸憶舊松扉老能留眼看書卷
熟不因人自布衣抱牘復偕萊婦隱灌園久息漢陰機
家山近在鳧山下日日仙鳧相傍飛

酒間贈楊仲建

時有客爲作
箇山老人圖

谿邊小築近江鄉每繫蘭舟就羽觴
逕闢野雲還菊圃門臨潭水是漁梁
晴川片月時隨杖老樹孫枝直過牆
黃綺風流渾眼底暮烟仙岫遠蒼蒼

冬夜漫題惱阮懷都下

愚山先生詩集 卷三十一
頻年袞袞接公卿，翰勞勞遍帝城。
雪滿西山明客騎，人寒中夜擁書檠。
傳經胄子朱門貴，歸夢江鄉白髮生。
却怪雙魚勤短札，那無相憶一詩成。

泊蕪關懷金揚州長真

鼓枻行隨漁父歌，離人永夕奈愁何。
濤聲直向石城去，月色遙連隋苑多。
哀角霜天驚雁鶩，孤舟寒浦傍龜鼉。
平山堂畔知相待，風捲回潮生白波。

目病不寐者七夜憤亂中時復得句

瞑坐過旬嗔欲顛，暗中萬狀攢眼前。
春風笑我成相避，藥物欺人攪獨眠。
遠札頻頻誰替讀，良方十百總虛傳。
丘明子夏一何酷，夜半椎床嗟昔賢。

穀雨後一日敬亭卽事

同婁江陳子遜

春風相伴入巖扃，薄霧寒雲半杳冥。
松花隨意滴

携將竹葉對山青，題詩幾輩留殘碣。
吹笛何人最上

小試新茶全勝雪，好更鴻漸舊茶經。
陸羽茶經以

瓶爲下

寓書湯處士未發湯書邊至

冬殘惜別又春歸，溪漲通潮到石扉。
花落不知爲客苦

書成却恨寄人稀，滄江生事隨鼙鼓。
白髮心期見布衣

重仗東風相問訊，幾多薇蕨長赭山磯。

同諸公陪胥明府宴敬亭雲齊閣

良辰高會就林巒，宿雨初晴接坐歡。
仙吏行春從緩帶

青山懷古一凭闌，竹房深入餘花晚。
尊酒遙臨匹練寒

太白祠前雲未散，好留新句與人看。

和木山來看牡丹

生涯嬾種邵平瓜，喜近東鄰處士家。
竹逕舊諳誰是客，匏尊一笑爲看花。
輕風燕語江城晚，返照人酣席帽斜。
聞說天南烽未息，多慚消遣對春華。

馬吉人宅同雨若文虎

銘座尋常挂酒瓢，清秋暇日肯相邀。
豈嫌過客來看竹，自愛空庭獨種蕉。
伴老詩書供枕籍，違時醒醉狎漁樵。
含情有待成終日，負郭無愁歸路遙。

是日遲淵公不至

酒間用韻答張七見過

別憶秦淮對落暉，相看亂後忍相違。
停舟月照江楓冷，

把酒人逢稻蟹肥，久客共判霜雪髻。浮生誰穩芰荷衣，應憐衰謝貪丘壑。漫向星辰擬少微。

洪庭植學使墓下感賦

四面青山木葉飛，孤墳宿草淚重揮。舊憐鄉曲同尊酒，老歷官曹自布衣。文字教敷荒服遠，交游人許素心歸。
黔南此日干戈阻，猶幸從前旅櫬歸。
君督學黔中卒官輿櫬歸未幾兵阻

仙源崔友尚孝廉見過有贈

宛水秋晴落漲痕，荒園握手一相存。坐談應據戴憑席，願盼曾登元禮門。天向城頭開絕嶂，家從雲外住仙源。何當重識黃山面，靜對蓮花共酒尊。

經寧邑東岸卽自

山逕盤盤谷口遮參差霜葉萬重霞
礪邊列樹多收漆雲外高峰總種茶
亂石風湍通釣艇夾溪烟火辨人家
有懷不見含情思細菊馮誰爲采花

鄭谷口招集園館卽顧與治舊業

谷口幽棲好亭子閒園新綠上階除
清谿舊傍江淹宅荒逕偏宜仲蔚居
累日看山眠野寺有時留客當吾廬
傷心忽夢平生友猶對寒松坐讀書

顧舊有寒松齋

酬何次水

訝許關情見面遲美人贈我采江離
前朝舊任烏衣巷近代誰憐水部詩
桃葉渡頭把酒夜雞籠山畔捲簾時
永興書法新摹就好古重搜幾處碑

鄴侯南村谷公有歲前聞警見懷詩淒然次韻

何意長干此重尋別離情見素交深眼穿烽火三秋日

頭白關河隔歲心不分詩朋違酒酸憶從禪老踏雲岑

忽看搖落成高會猶喜勞歌共賞音谷公舊同子遊武夷

江浦逢吳岱觀吳舊令成縣育西塞諸詩

別來何處復何年頭白相看各惘然形勝地隨遊屐盡

風流名為拂衣傳君以詩酒疎放免官家移烟水西湖外吟苦伊

涼絕塞邊斲把清尊同一笑江山鼓角總堪憐

贈江浦王白虹明府

能兼吏隱意長閒病起尊前自好顏水驛孤城通畫舫

縣樓高枕傍青山殘編送日真成癖空橐留賓不放還

九折共知多畏路誰憐驥驥困人間

定山寺

相傳遠磨被江草錫處非定山舊有講堂

霧山不遠浦城邊客到先尋卓錫泉裂石陰巖斜枕寺

當門古樹獨支天禪宮雲護殘僧在講席人傳故老賢

好挹長江入懷抱看余飛策碧峰巔

同人集一拂祠講學

祠祀宋鄭介夫俠地故耿天臺先生講學處

講席從來舊石頭空山回首白雲流百年忽見衣冠會

一日真同鄒魯遊抗疏人傳還俎豆談經天許傍林丘

烽烟滿目羣英在坐愛松風五月秋

贈宗人惟和處士

六十聞君尚黑頭門前坐見碧溪流忘機自信羣鷗狎

采藥閒憑一杖遊，學自紫陽追闕里。
人疑黃海遇浮丘，趨庭別有家風在。
百尺喬柯耐素秋。

贈鄭瑚山中翰

時隨王師駐江寧

參軍人自鳳池來，制勝元須草檄才。
醉肯留詩邀笛步，閒從校射雨花臺。
金門回夢鳴珂近，海嶠傷心戰角哀。
乍喜論文尊酒畔，青谿深處共遲迴。

中丞徐張真憲副夜送遊吳門同署齋諸子分
作客誰知嬾是真，留歡獨此醉千巡。
歌殘永夜邀明月，坐擁羣公送故人。
洵美山川多難日，尚慚丘壑未歸身。
百花洲畔孤帆泊，回首秦淮白髮新。

次和長真先生送別

時余取道吳門歸里兼欲移家秣陵

無恙山川復此看客遊當暑尚盤桓
久拚射虎殘年過
敢信藏舟何處安解纜江潭乘漲急
移家烽火傷人難
吳門宛水歸途接倘遂窮交見面歡

謁高忠憲止水祠

中丞抗節從容地皎皎寒潭荇藻香
正氣翱翔陵白日
清流生死愛滄浪公另有讀書處日水居
旌旂何處應箕尾
依然舊草堂誰道渟泓隔河海
東南濂洛總相望

二

祠接龜山道不孤東林遺緒起吾徒
致身偶類江丞相
舍憤寧同屈大夫自昔黨人移漢祚
到今尸祝盛文儒

流風未墜箕裘好精爽還應戀舊廬
祠卽忠憲公故居

夜投惠山宿秦園

客到孤城入暮烟却貪清境促移船
蓉湖漁火散欲盡松寺暝鐘時一傳
磬遶春申蒼徑滑園當龍岫碧雲偏
携鐙就水休辭夜頭白初過第二泉

集蔡皖森同年翠深堂

主人何羨北山岑亭午高齋坐綠陰
早歲歸來三畝宅素交離索廿年心
臺依喬木青天近座繞猗蘭落照深
此別風烟還荏苒白頭何處重招尋

芹野草堂詩為陳集生感賦

君高祖芹野先生為沂州守有芹野草堂

今王易主矣

綠野堂開傍碧溪爭傳刺史此幽棲
春來湖水侵階滿

木落龍山入檻低，臥柳枝殘人久去。
古牆苔掩句曾題，
可堪王謝風流地，巢燕頻更舊路迷。

錫山逢丁飛濤祠部

歸自塞外謫所又居母憂

歸客艱辛近若何，相逢失喜淚滂沱。
蓼莪篇廢王哀痛

沙塞詩傳杜甫多，滿眼江湖愁道路。
幾人書札問巖阿

扁舟倘向鳩茲過，只尺雙溪有釣簑。

君言將訪舊皖口過蕪江

山遊晚過徐長民

野色蒼蒼夕照間，堂臨谷口復谿灣。
叩門夜識陵陽客

入坐青知鄧尉山，早歲身隨叢桂老。
高吟目送白鷗還

東西十里皆梅樹，春到能餘幾日閒。

施愚山先生學餘詩集卷之三十八終

施愚山先生學餘詩集卷之三十九

七言律

過故給諫姜貞毅公吳門舊寓

公自題敬亭山房

解衣長喜傍清湍，翡翠鳩鵲入畫欄。
此地應同習池好，當年直作敬亭看。
竹梧障日留春色，荷芰翻風生夏寒。
舊是孤忠晞髮處，臨流回首思漫漫。

吳中答宋旣庭孝廉

茂苑陵陽一水長，幾年清夢逐鱸鄉。
爭誇闐闐皆文字，自信交游屬老蒼。
籬巷曲連深竹逕，河橋原傍讀書堂。
晚涼過雨時相就，湖上追懽舊不忘。

先是相合點見西湖外井

二

愛我耽遊如謝客投詩款曲故人情酒朋雅稱谿山美

家世重兼烈孝名宋母葉夫人乙酉聞兵變投井獨臥

烟扉成野老無雙國士舊門生謂繆歌起狀頭眼中搖落秋風

起愁說天南未罷兵

吳瑤如同年夜宴虎丘同園次飛濤叔夜雪懷

畫船落日席重移精舍涼風倒接羅林壑鳥歸烟盡夜

管絃人醉月明時清言獨占生公石舊蹟長憐短簿祠

何幸亂離能此會平秋斗酒更相期

吳門留贈方干霄少參公伯氏冰壺與余同舉已丑公又同舍比部

招尋袞袞復離筵依舊追歡粉署年夜永坐殘吳苑月

心清曾試嶺南泉論文家並機雲美秉節人推嶽牧賢

莫爲蒼生改青鬢江湖樂地此中偏

登玉峰頂兼懷徐立齋侍郎

玉峰皎皎照人明散帶松風絕頂行遠樹暗連烏日嶺

夕陽遙指闔閭城河流古道千年改舊傳河流出山下雲氣西

巖一綫生矯首忽驚離思切還從直北望神京

徐健菴編修重集澹園分得微字

同葛龍仙陳躬

遜子壯潘次耕暨伯氏字若

城裏高齋面翠微開尊散帙總巖扉梁園會是真名士

角里人逢大布衣

時初識葛龍仙

池上風來穿竹過峰頭雲起

傍筵飛留權恨別渾無奈帶甲驚心客未歸

懸山元正詩集卷三十九七言律

懸山元正詩集卷三十九七言律

愚山先生詩集 卷三十九
練江高會舊纏絲重傷花洲共客筵杖履湖山容我輩
風流韋白見當年雀舟早覺青楓冷虎阜誰看好月圓
別後尺書勞問訊離情長繫郡樓前

重別澹心

星霜漂轉未成翁吳會風流屬寓公日記自留野史在
詩傳肯畏客途窮白頭性癖春山曲紅豆歌聲夜雨中
第二泉邊重惜別五湖烟月此心同

曉次荆溪

夜發河橋歸興催雞鳴繫艇曙光開縣前湖水東西濶
城上銅山煙雨來仗劍蛟宮傳烈士買田陽羨憶仙才
故人漂轉知何處腸斷中原畫角哀

時陳其年
客遊中州

過陽羨徐竹逸見貽詩冊

時以足疾杜門

布帆貪趁好風吹
讀盡篷窗一卷詩
芥苴湖蓴歸養日
蒼山洱海宦遊時
畏途自愛歸田早
高枕何妨見客遲
欲報瑤華拾芳草
前川涼雨暮迷離

人日

人日何人野興長
乍陰復霽稱初陽
敬亭雲散明山閣
江郭梅開報草堂
久病二毛年冉冉
多艱五嶽思茫茫
呼憐畫角蓮芳草
好倩春風洗戰場

石埭姚明府署中忽生白蓮屬賦詩二首

鳧鳥慵飛吏隱偏
放衙時復愛逃禪
從耽彭澤籬邊菊
忽涌東林社裏蓮
色傍水雲渾帶雪
藕分仙種定如船

水心坐對看成笑貝葉經多手自編

二

自愛根株寄碧湍不將顏色供人歡臨風小試霓裳舞
照水長留玉樹寒並蒂直堪藏白鷺素心兼許笑叢蘭
陵陽共說神明宰官閣誰同子細看

客歸喜金翰孺先自中州見候

君曾祖太阿公會
守吾郡與先大父

講學郡
有專祠

何人千里獨相思到久還嗟見面遲匹馬間關過陋巷
一尊蘋藻薦先祠官齋共指談經處祖德猶傳墮淚碑
漫說江南好風景牡丹重憶故園時

訓王便朴見貽用韵

檻外寒溪水自流往來隨意有沙鷗
開門坐見晴雲過背市閒憑小閣幽
每傍松根携一卷偶裁楮瘦得雙甌
四方多難吾高枕肯負餘生浪白頭

趙永星置酒慕山

同吳同甫梅瞿山趙夢求

不辭物外共清懽舊徑重來木葉殘
松偃半亭畱客坐林疎衆壑喜人看
下方雲起孤城合故壘山空落日寒
老罷酒闌還極目江關戎馬倦憑欄

哭許青崖

曾向南村問草堂重來惟見竹過牆
半生藤杖看山盡遺草蓮峰鑿石藏
左氏失明還述作杜陵遭亂晚哀傷
新安江水悲耆舊嗚咽聲隨客淚長

愚山先生詩集卷三十一
留別王莪懷兼寄舊遊諸公

日日山堂繞翠微
更尋僧寺坐忘歸
浮名早信林棲好
畏路還疑市隱非
烽火經時擽酒醖
梅花破蕊傍郊扉
相看親舊俱亡恙
莫厭丘中薜荔衣

何生伯示近詩兼約文瀾亭野眺

不到朗陵三十年
舊時遊好心茫然
窮交握手開雙眼
見面論詩手一編
半世烟霞供爛熳
幾人歌醉足纏綿
危亭縱目還能否
亂後溪山倍可憐

四
南陵長至值雪

晝霧經旬暖復陰
良辰雨霰晚相侵
晴冬久望占年雪
倦客攙違行路心
穀水交流寒野寺
工山千仞失雲岑

軍麾人事催遲暮多難微陽何處尋

文瀾亭和生伯

同范生茅
楚峽左星

安賢古寺殘鐘在百尺危亭復此杯楓落檻前千樹白

雲移天際數峰來孤城地合漳淮水異代詩畱李杜才

朋舊風烟閒不易夕陽歸騎漫相催

亭在龍會橋上漳
淮二水交匯杜牧

之有謝家池上安賢寺即此
地李太白遊南陵亦有詩

畱別南陵屈明府君賜

頻年書到宛陵城良會疎梅帶雪清客病多慚投轄飲

官煩偏重繫駒情論才物色空逢掖得算安居過甲兵

雨後試聽春穀水潺湲時送夜琴聲

書來哭高彙旃先生

書來前日正開顏肯信騎箕去不還履道行藏追止水

問年甲子合尼山愁雲楚澤招魂遠公嘗視楚學茂草東林

講席閒悵望中原與吳會更誰耆舊在人間先是河南孫鍾元徵

君太倉陳確庵先生皆相繼歿

二

九峰高會豈沉淪強飭猶傳嬰鑠身閩洛遺風還吾黨

東南故老失斯人預畱治命寧傷鵬特撰新篇竟獲麟

旬日前序先大父集遂為絕筆天路招尋忠憲在逍遙共喜出埃塵

欲闢小園作草堂不可得戲題遣興

花竹為園興未窮草堂地限薛牆東行藏獨立千峰頂

眾樂都歸一卷中半世歷官餘野老前生入夢是愚公

嘗夢青衣客示柴門便與山溪接斟酌扁舟漾晚風
愚山道人四字

寄徐田東秣陵

倚棹偶為江上客逢人因寄袖中書揚雲玄塚仍餘淚

君哭楊商賢詩八章徐孺東湖定索居寒許鷗鳧依水檻晴隨杖

屢問曾廬武昌官舍知相近自愛青溪釣白魚時從子子惺官

楚藩

寄嚴顥亭侍郎

燕臺吳岫憶招要朔雪南雲別路遙共說飛騰勤袞職

可無書札到山樵班張夙昔曾分席伊呂於今半在朝

退食詩篇應不減看余一賦自鷓鴣

高拙庵孝廉自公安避亂至寧陽

棹頭不復問公車累葉家風舊著書龍市年來深避地

雞山僻處重移居鄉園百戰人無恙客路頻歌興有餘

消息荆門安穩未好將石室當茅廬寧國縣有雞山及瞿剛先生石室

江陵李浪山因人寄詩有謀笑軒讀史諸集

江離湘芷恨難論石隱龍湖何處村自笑將詩聊卒歲

悲歌讀史竟招魂乾坤那復漁舟在襄郢今餘戰角喧

稍喜山中畱故老楷模猶說李膺門

蔣曾策至自吳門余適將往皖口

歲暮重堪作客身孤舟相背各江津尊開坐對陵陽雪

梅發行看鄧尉春仕隱生涯皆野老徐庾家世總詞人

漫言寡合空歸去滿握隋珠未是貧

寄胡蒼恒天中

時見清
園詩作

緝

舊遊宛洛兩相望別墅重開擬辟疆憶遠書能連歲寄
歸田人共十年強梁園客許開花逕汝水雲飛繞葯房
斥堠中原猶警在肯容高臥老南陽

梅八丈東渚草堂追和故徵君沈先生題壁

徵君杖履尋幽處彥會花時數見招此日漸稀東渚客
相看真共北山樵石邊老樹經春凍烟際冥鴻度浦遙

長憶麻姑重悵望

麻姑山
君故居

雪殘青嶂自雲霄

無錫吳明府特拜閩廉使

治行吳公海內稀九遷一日重恩暉惠山泉好畱詩別

仙嶠花深擁傳飛蛋戶他雛矜肺石鯨波偃息解戎衣

武夷形勝知相接叱馭何由歷翠微

答河東巡齏鞠侍御

余視學山東時鞠司論嶧縣

乘驄幾度傍龍門柱史風流舊可論
鳧嶧峰前分講席

金魚池畔憶離尊持籌轉運軍
儲急補袞雲霄諫草存

欲問仙山到姑射十年衰髮臥江村

唐朕虞以歲薦入都

無盡春風在帝城桃花一路送君行
河邊月照離人影

薊北鶯啼故國聲野戍濕勞烽火急
旗亭何處酒尊傾

祇今漢主需良策前席應知重賈生

答徐七程叔蕪江目寄

落盡桃花尚客居春風肯遣鬢毛疎
比鄰高士能開徑

謂湯巖夫隔浦青山對讀書野岸芹泥香燕子江洲蘆筍膾

豚魚扁舟共醉知何日愁見停雲覆草廬

對盆梅有懷

恨無多樹繞檐前小簇_低松枝傍酒邊過雨齋寒畱客看

逢春頭白被花憐西溪林麓僧頻約_{聞武林西溪古鄧梅連接十餘里}

尉風光夢幾年忽憶題詩舊官閣平安消息好誰傳_先

官湖西手植梅署齋今臨江正駐兵

傳經臺_{故陳九龍先生講學處}

礪石高臺玉几平天畱片_几席擁諸生野花無種年年發

林鳥多情處處鳴杖底_湖連千頃濶洞門雲散萬峰明

丹祠蕪歿餘殘碣流水_新傳絃誦聲_{一首}

鄧元昭同年抵敬亭宴集卽行追送一首

荒城會面是離筵
峽石潭邊整繫船
阜帽祗今同野客
青山何處不詩篇
開尊寺閣憑春樹
分手江帆帶夕烟
小謝登臨餘勝地
白頭相望重流連

菴畫溪遊讌

同彭鹿門太守張令音廣文丁舟及王子允臧受澄蔣自衡葉丹威諸文

學

沙泉廟茗共招携
宿靄晴雲覆一谿
永日鷗鳧還上下
當年藤樹接東西
中流倒映丹樓出
密竹斜侵畫舫低
信美山川復朋好
興移五月有鶯啼

畫溪含清閣用韵

夕陽佳處樹冥冥
返棹重尋水面亭
無恙波光長入畫

含情山色爲誰青
繁陰未歇三春草
隔岸遙開九疊屏

大曆詞人傳舊里
迷離烟火問前汀
唐學士錢起家畫溪

宿霍瞻菜山樓
董宗伯書額曰二酉藏書樓

何年卜築冠林丘
八座人同樹杪遊
山近烏瞻雲嶺見

窓憑白鹿石林秋
鳥瞻白鹿二山名
龐眉碧眼老仙客
烏篆蟲

書滿竹樓夜聽洮
洮清辯永前峰
明月正當頭
時彭鹿門使君

談出世之學

東贈丁季葵兼索佳峿

竹院鞦韆雨浹旬
相逢慰藉倦遊身
移情每縱西湖棹

愛客頻傾下若春
茶到玉川元是癖
園歸甫里未全貧

莫辭手摘分尤物
洞芥君爲舊主人

真山山行暑雨

驕陽急雨太相侵
 大麓孤亭何處尋
 涼燠片時成異候
 風泉半嶺共悲吟
 雷奔駭鹿橫溪過
 雲暗藏鳩坐葉深
 莫歎山程苦行役
 家園充老好園林

大安寺雨坐有懷水西

荷芰風凉水榭閒
 橫塘帶雨聽潺湲
 暑逃官席貪高枕
 客愛僧廬當揜關
 蒼髯早知拋赤紱
 疎簾却喜見青山
 烟亭竹院行歌處
 誰借枯藤一往還

訓旌陽司訓秦映碧

是畱仙翰
林令弟

梅溪風土接東吳
 才子臯比興不孤
 史牋舊來推伯仲
 仙雲深處擁生徒
 車驅驛路畱詩過
 酒貯齋廚待客俱

借問梓山山水清冷還似二泉無

秦家錫山故云

晚步

晚步東臯傍綠池
薔薇別館剩花枝
過眉杖覓青藤得
折脚鐺憑錦石支
世亂慚叨無事日
才疎嬾作贈人詩
惟嫌山水情難斷
竹塢雲林坐少時

諸公頻枉書幣促
錢拙詩

問訊篇章事若何
未應檢校尚蹉跎
慚非揚子寧畱草
况是文園久負疴
性癖雕蟲聞道晚
官無長物累人多
雞林價重君休論
且趁尊前倚醉歌

旌陽遇黃獻仲之歎

頻年竹策趁身閒
立馬梅谿感別顏
泰岱東遊身到海

大鄣南去日看山人家半傍雲根在客舍都從樹杪還
歛客寓萬山觀開化寺皆山城高處秀筆丹青能暇否蓮峰秋色會應攀

傅星喬湖舫宴集

同高子傳

客向西湖雙眼明菊花節後正初晴畱人四面山還好
飲馬千羣水自清歌管不知斜日下歸舟倒指晚霞生
隄橋陵樹秋如許頭白重來無限情

巾子山

台州

城上雙峰俯萬家振衣秋色滿天涯潮聲遠帶輕颿沒
塢影橫催白日斜近海林巒餘宿霧寒山郡郭少黃花
當年戰壘腸堪斷殘戍沿江有暮笳

登華頂

丹臺側磴少人行莽莽羣山合太清江海遠浮雙練窄
雲霞重壓赤城平九天鸞鶴飛難到一寸松篁凍不生
曉霧漫須遮老眼蓬萊看日舊分明

余向有登州望日樓歌

台州贈洪虞鄰少叅

海隅一臥傷天台畫省人傳視草才烽火藏書曾入壁
園林叢菊自銜杯孤亭月照滄洲白雙袖雲收華頂來
共說拂衣君未老東山何事久遲回

東甌贈林梅生

鹿城耆舊似君稀見面僧廬對落暉牆壁藏書歸馬隊
干戈橫海失漁磯無家重賦頭皆白半菽哀歌淚滿衣
此日清霜催木葉浮雲繞樹惜分飛

長山夕生詩集卷三十一
十一
高尙孚副使夜宴甌城畱別

時自台移溫
兵亂初定

江閣星移綺席殘銀箏別曲更延歡
楚鄉耆舊筵長滿
甌海霜天夜未寒
千騎重臨仙嶠好
孤城百戰泰山安
餘年後會情何極
各取蒼顏帶醉看

溫州贈陳總戎贊伯

以戰功錫世
職故有六句

漢家飛將舊橫行
枹鼓年來臥不驚
劍倚龍精輕萬事
身先虎穴拔孤城
銷烽海國歸尊俎
錫上天書列姓名
共說軍前容揖客
醉餘緩帶笑論兵

發甌江至括蒼道中

坐待潮來送客還
暮雲疎雨動離顏
諸村戶散漁舟斷
故壘兵稀戍火閒
波涌半江飛白鷺
霜紅萬樹失青山

括蒼此去疑天上谷轉猿啼何處灣

桃花嶺

山行短景路遲遲嶺上丹青剩廢祠
雨後有時畱虎跡春來何處覓花枝
荒途驛在無官騎野店人稀客自炊
日暮青燐燃宿莽前年此地捷王師

過嚴州追悼故梁太守培元

梁名浩然山東濱州人自嚴州遷寧紹副

使未任卒嘗酒間索予釣臺詩今重過嚴祠碑在矣

桐江落木旅竟悲太守風流更數誰
把酒固畱歸棹客到門先問釣臺詩
七年臥治名還在千騎移官事已遲
慚愧為余存片石故交零謝淚雙垂

上元夕

同木山閣昭瞿山耦長

愚山先生詩集 卷三十九
良辰勝侶會難兼
永夜同遊興未厭
兩水煙波開皎月
千家江閣捲疎簾
春晴天放華燈好
歲改人從白髮添
烽燧幾年還
火樹踏歌歸醉定無嫌

花朝小飲有懷龔扶萬使君

公以花朝日生前
守吾郡左遷歸楚

共惜芳辰倒玉壺
離情忽繞楚天隅
洞庭人去雙魚斷
謝守樓空片月孤
宦謫生涯成道路
歸來戰地失江湖
楚方用兵花朝細雨逢初度
有客看花痛飲無

王枚臣安福亂後書至

望斷螺川是戰場
書來破涕復沾裳
殘生丘壑餘衰病
幾輩應劉畧喪亾
講肆已隨衰草沒
戍樓新控大江長
東南羽檄何年定
只有離愁對夕陽

來書言吉州城外
市肆講堂盡成丘

墟白鷺洲閣
已改戍樓

和吳舫翁濟南見寄

舫翁江西吉州人曾同講學青原頃客齊魯有謁闕里登

聞韶臺諸詩時吉州正苦兵

二東書札數能來
懷抱遙從萬古開
習禮空壇親酌酒
聞韶舊地獨登臺
講堂猶夢青原會
鄉國惟餘畫角哀
滿眼風塵吾輩老
橫流江海幾時迴

寄劉太平竹菴

時督繕戰艦

文士誰言出牧難
褰帷治行動長安
軍儲此日勞王事
祖德前朝舊講壇
小謝青山雲樹近
大江白晝郡樓寒
臯比好向天門坐
犀浦應同鷺渚看

公先世三五兩峰諸公皆王文成門

人講學白鷺洲而太平之采石舊有天門書院

酬和方望子

時有父喪自京師歸携吾友王山長書至一見而別嘗序其尊君真學錄

雪中造次未開尊意氣相看盡一言風木關河殘淚在

文章京洛素交存危時丘壑難高臥遺緒濂閩許細論

歸到紫陽重作客停車宵復問蓬門

巖臺寺

夕景重尋野寺遊層崖側疊自仙丘浮雲不散畱雙洞

絕壁誰開置一樓抱石松根風物改

郡守羅公近溪有臺端松抱石之句

今松已燬人天蘿逕杖藜愁當年題字多磨滅此地曾經支

許儔

同王虹友徐章仲登敬亭

時王將遊歙

夢逐林峰未許閒轉因佳客一開顏春風綠遍崖前樹

夕照青來雨後山
謝李篇章人未遠
江城烟霧鳥初還
聞君畱眼看黃海
萬仞蓮花更可攀

寄輓吳節母胡氏

當年陶母識吾曹
舊憶登堂醉濁醪
早歲栢舟成永痛
千秋彤管待誰搽
雞聲夜織餘蠶績
熊膽親分長鳳毛
仙珮歸魂招不得
淚痕空逐廣陵濤

送崑山徐章仲孝廉

青簾畫舫照江津
不分離筵遽愴神
陸氏弟兄雙國士
章仲與兄藝初一
時南北闡並捷
徐陵家世總詞臣
到來山霽昭亭月

歸去花畱玉嶺春
長憶辟疆園最勝
舊時題句滿松筠
五日同勉中聖月
耦長諸子集方鄴
藤軒同限蒲

令節長懷楚大夫
騷歌異代復吾徒
滄洲髮短慵簪艾
綠蟻尊開且泛蒲
不分干戈連歲月
尚憐耆舊共江湖
滔滔雨急歸途滑
笑指雙童待醉扶

二

照眼榴花興莫孤
比鄰竹葉重相呼
漫誇長命五絲纒
白有仙人九節蒲
白日藤蘿何杳靄
澄江亭閣在虛無
時艱競渡年來少
祗合還尋舊酒壚

施愚山先生學餘詩集卷之三十九終

施愚山先生學餘詩集卷之四十一

七言律

詩聞王阮亭農部擢補侍讀

才力羣推稱石渠漢庭特拜重相如上林札給新成賦

秘閣燈鈔未見書文字聲名騰禁闥平生懷抱滿樵漁

傳聞筆辛勤甚退食常需列炬初

青溪散髮十年餘輦下詩來錦不如伊傳何當懷野老

柴桑元自愛吾廬敢矜詞客哀時賦閒寫農家種樹書

憶到龍門成久別蹉跎歲月恐全虛

次答徐善長庶常見寄

愚山先生詩集卷四十一 七言律

一

携鋤種藥傍荒原歸臥誰言野老尊自愛名山閒蠟屐
偶邀逸客止匏樽雨添籬竹從妨逕春漲沙鷗許到門
同舍舊時詩伴盡何當芸閣憶江村

寄鄧偶樵荆南

金陵握手八年過千騎長驅興若何禁裏星辰搖劍佩
軍前詞賦半饒歌山川坐控荆門險雲物閒看夢澤多
見說王師資借箸天南早晚罷橫戈

次韵馬文虎表弟贈別

投老東山向十年徵書忽下轉茫然江城樹色孤帆暮
驛路蟬聲七月天到日定催斑鬢白歸心時趁朔風旋
浮生晚節違親舊何似松間枕石眠

寄壽吳園次六十

何必身如老鶴形，蒼顏相對眼俱清。
政成柳惲高吟地，客占滄浪舊日亭。
北闕文詞傳畫省，東山綠竹笑丹經。
吳門角里看雲氣，不是尋常處士星。

留別金長真憲副

青溪綠酒好相將，笛步風微水榭涼。
苦憶論文坐官閣，重堪分手別河梁。
艤艫銜尾江鷗警，堠火連天客路長。

此去薊門秋色早離情還逐雁南翔

白下贈何蓀雲

滄海塵生未白頭石城耆舊自風流多時門閤推平叔

溷跡行藏且伯休二酉書移亭閣滿六朝山好杖藜遊

傳家象緯稱能事甘石輸君定幾籌

君世擅天文曆筭之學

登歌風臺

雄畧其如隆準何高臺憑眺客來過雲山苾碭秋風起

雞犬新豐夕照多天下至今思猛士眼中依舊剩黃河

休輕垓下歌非匹雙淚與誰總逝波

濟南飲家泰瞻友林著齋

七二泉邊復此杯十年懷抱向君開連枝會喜天涯得

片月光分岱頂來，箕斗微輪憂國淚。
西南飛輓濟時才，懸知節鉞尋常事。
驅馬燕雲首重回。時楚粵方急軍餉

重登千佛山

廿年重上郡南山，一指泉邊枕漱還。
巖壁有一指泉世變轉添

精舍好客遊終讓，片雲閒青峰數點。
秋光裏曠野孤城

夕照間誰解舜畊遺跡，在不勝懷古悵躋攀。
古稱舜畊山後人琢

石為佛遂蒙今名

晚尋趵突泉

平生野興愛清光，駐馬看泉趁夕陽。
地涌舜山爭道急

源從王屋倒流長，舊傳殘碣歸鮫室。
新偃飛虹盡石梁

老我題詩重倚檻，含情獨立對滄浪。
往木橋皆易石

觀馬重荷澗合青澗立樓成苑

端居紫禁拱垂裳還向天閑問驪驪自有六龍飛御仗
豈思八駿騁遐荒神駒物色驪黃外宛馬來歸道路長
嶺嶠此時需撻伐功成鐵騎待騰驤

都下贈陳其年

青髯俄看有白絲別君猶記少年時塵中見面寧相識
亂後逢人數寄詩畏俗疎狂龍性在買姬飄轉蚌珠遲
雄文此日同推薦賦奏長揚更屬誰

次韵楊六謙九日同諸公集黑龍潭時余偶病未

出

長安雲物易為秋九日羣登傍浦樓雷雨此中生絕壑

蒹葭何處有孤舟
西山倒影當尊酒
大漠悲風試客裘
誰信少文懷五嶽
良時偏臥不同遊

二
莽蕩風烟接薊丘
蛟宮深處野亭幽
鷓鴣故狎筵前客
葉落遙看木末樓
舊日金臺荒草在
千年易水白雲秋
憑高詞賦吾何有
歸夢滄江杜若洲

高澹人中翰出紙屬書因賦贈

仙標特達迥難攀
賜第高居霄漢間
日捧圖書隨帝
座風吹咳唾接天顏
爐烟香裏詩篇出
玉漏聲中劔佩
還鄉夢縱思湖上好
此生應讓白鷗閒

舒康伯示北征詩有作

漢江歸夢莫滔滔布襪青鞋與自豪射策生涯供作客

倚天懷抱見登高悲歌終古聞燕市絕調何人復楚騷

黃菊叢枝還在旗亭斗酒待持螯有重九登高四詩

過沈學士繹堂卽事次韵

比鄰步履日初寒竹榻高齋過藥欄病起勞人還筆札

談深野客共盤餐鬢毛別後關心劇詩卷花前把酒看

借問休文腰太瘦蟬貂何似鹿皮冠

次答李渭清時同被徵召讀書禁城寺寓

朔風動地夕陽微時憶招提靜掩扉把卷聞鐘應獨笑

重城匹馬忍相違烽烟浩蕩頻看劍雨雪羈棲夢拂衣

乍喜高歌餘數子眼中猶見海濤飛時山左及門多工詩

宋牧仲比部權贛關

誰共論才天地間醉歌京洛日追攀秋官讀律心長苦
詞客持籌意自閒廬嶽雪殘明五老鬱孤臺迴盡千山
嶺南近報烽烟息賈舶應憐亂後還

王春如同年令寧都

近嶺梅花照眼初雙江南畔好驅車蠻陬鞞鼓知方定
山縣行歌治有餘地大人家滿巖谷年登壤賦益軍儲

金精石室多棲遁倘有論文式草廬

易堂魏水叔諸子讀書金精

阮懷携酒饌就發若客館夜集

同大可雪懷

邱舍曲坐如山堂怪君別久顏未蒼從教下榻有知己
那免回頭思故鄉小酌客何爛熳高談夜半轉猖狂

燈殘歌罷各迴騎皎皎寒星天欲霜

得阮懷見和夜集詩有合并今夕當還鄉之句因

憶故鄉諸游好

謂緝生雨若淵公方
鄰定九朕虞耦長

素交何日集山堂獨對清樽見老蒼戰壘頻驚從久客

浮雲相聚各思鄉真仙名障誰能盡

仙有九障
各居其一

才子饑

驅轉易狂長憶踏歌人影亂謝公樓畔月如霜

陳說巖學士見過論詩兼示北鎮集

春明旅食阻招尋夙夜聞君在禁林官領石渠人望屬

朝回蓮炬

主恩深舊游文酒南皮曾出使天山塞下

吟重藉鍾期心賞切相看倘許共知音

崔嵬北鎮碧雲端瀚海盧龍道路難馬向遼西天際去
山從塞外雪中飛使星歷盡沙場遠詩卷高臨碣石寒
往歲聯鑣真忝竊眼前飛將早登壇

京邸對雪

十月二十六日

曙光虛白徧人間車馬長安幾處閒鵙鵲凝寒連北極
林嵐積素隱西山甘泉獵罷迴龍馭瘴海烽傳愴客顏
獨臥栖遲虛荏苒鄉心一夜滿燕關

走筆書李劬菴小牋

時自竟陵令被徵
舊有華嶽諸詩

隋苑蕭灘恨別離徵車迢遞會何遲歌成華嶽秦聲在
宦薄天南楚客悲海嶠縱橫還羽檄江關漂轉總文辭
披衣隔巷好相就月白霜寒勸酒卮

過王山長

相見還如兩布衣官齋差勝舊漁磯
浮沉世路已衰晚角逐詞場今是非
傍架抽書容借讀到門促坐笑忘歸
薊丘極目江潭遠吏隱風流似爾稀

張松臺書至自滎澤謫所

舊偃師令坐事奪官安置滎澤

失路仍難賦遂初歸田夢久髣應疎
心閒麋鹿甘身老地險魚龍伴客居
生計萊蕪塵釜在交情緱嶺酒杯餘
河陽鴻雁燕山雪腸斷離愁晚歲書

余過偃師君送別至緱山

詔賜被薦諸臣月廩恭紀

未到鵷班寵澤垂招賢特典荷
皇慈賜沾雨雪無衣

日恩重宮廷減饑時不待賣文從
取酒漫勞索米好吟

詩微臣竊祿今衰晚只合衡門賦樂饑

御札賜內直侍臣天花和王侍讀

靈卉蒙將睿藻誇驚分珍饌出天家秀疑漢殿銅池草
潔比雲霄玉樹花生摘餘香如帶露烹來仙液勝餐霞
共傳藜閣承恩重不數東陵五色瓜

簡張敦復侍講

東南爭道出羣才奏頌陳詩入幾回夜半燈前宣室召
日高花下講筵開書抽石閣多藏本露近金莖有賜杯
遊幸甘泉新駐蹕倘容休沐到鄒枚

爲尤悔菴悼亾

空期借隱恨何如鍾郝徽音歿有餘身貴蒿簪仍舊物

病拋錦字竟無書教兒幾度丸熊膽垂老難忘挽鹿車
共道安仁情太劇可堪重促鬢毛疎

見宋荔裳遺詩悽然有作

君按察四川會滇蜀反道梗憂憤歎

好客平生酒不空高歌零落痛無窮西川終古流殘淚
東海從今少大風國士魂銷多難後離人望斷九原中
張堪妻子應誰託巢卵長拋虎豹叢

午門謝頒月廩

鳳城魚鑰啟朝暉紫陌清霜拜瑣闈廿載老臣還詣闕
九重仙禁想垂衣弓旌特舉賢良盡雨露先頒禮遇稀
聞道金雞方下詔天門冉冉五雲飛

奉贈梁大司農棠村

中朝曳履荷宸恩復有懸書在國門楚粵軍儲時仰屋
應劉詞客夜開尊多才歷徧諸曹長秘本看餘萬卷存
歲儉繭絲民力盡含情販貨向誰論

二

驅車曾到尉它城粵嶠爭傳陸賈名玉節坐銷豺虎亂
塗歌時和鷓鴣聲漢廷錢賦增緡筭禹甸關山尚甲兵
天下安危公等在猶煩推轂及書生

公會持節使粵有嶺南集

喜白仲調評事移寓比鄰

旅服愁沾車馬塵過從日夕不嫌頻銜杯談讌今鄰叟
同學追隨舊黨人定國高門惟尚德東方索米豈長貧
相看忽憶江鄉好殘臘疎梅早放春

寄懷勞書升學使山左

談經鄒魯似君稀
泰岱峰頭獨振衣
懷抱遠涵江月白

文章橫捲海雲飛
持衡南北頻專席
橐筆班揚憶瑣闈

獨樹殘碑今在否
明湖相見惜相違
署中有高槐子舊額為獨樹軒刻石

其下

書成寶慈先生集後

百年誰許是全人
奏對前朝舊絕倫
官似于公三執法

名齊汲直數批鱗
清流去就安危繫
高隱林泉述作新

沒齒蝸廬千古事
曾歌楚夢重沾巾
公署所居曰蝸廬子視學山左曾有

言誄

除夕同雪懷

浮生遲暮身如客久客重禁天一涯歲序欺人慵守歲
家書到眼當還家清尊話舊殷勤酌紅燭邀春爛熳花
此夕鹿門妻子在不眠相對說京華

是日得家報

元旦試筆

霽日屠蘇暖客筵歲華良稱早春天鼓鐘報曙千門動
劍佩趨朝九陌傳疎節公卿諳故態驚心梅柳入新年
烽塵倘息吾甘老夢在雙溪疊嶂邊

連歲朝賀皆免今始御殿

山左劉木齋督學江南

闕下論文興不窮才如子政幾人同臨淄舊聚諸儒盛
吳會行看吾道東江送錦帆芳草外春深絳帳百花中
年來竹箭催殘甚披拂還憑大國風

李容齋學士見示近年詩感贈

詩篇還宥問閒人闕下爭傳啟沃頻累校奇書元秘閣

新開邸第舊平津坐親魚鳥江潭興花傍園亭韋曲春

退食從容明月出不妨文酒夜畱賓

其邸舍卽柏鄉相國舊宅池臺畧具

唐寓菴大同書至

宦跡浮雲好是閒東西天畔各蒼顏黃榆白草時行塞
畫舫青溪舊對山燕市尺書衝積雪雁門千里望重關
春風倦客愁無那憑仗梅花伴使還

王旻廬宮詹晚過有贈

時見示紀年詩

南陌朝朝聽玉珂不辭迴轍晚相遇篇章早占風流盡

宦達偏含涕淚多遙揖安期稱弟子數懷惠遠問巖阿

却疑學士鍾情甚我亦聞歌喚奈何

上元前一日入遊御苑登洗粧臺

禁林燈節許人來太液蒼茫接漢回前代御舟猶水榭
中天白堦舊粧臺苑亭重繞滄洲出宮殿高擎麗日開
向夕含情遙指點景山終古自崔嵬

為陳山農壽其尊公筠修翁七十

梅源丈人陶隱居帶索長歌樂有餘萬卷坐深三逕草
扁舟看煮四腮魚山中教授幾成市肘後平生自著書
滿眼桃花照樽酒共言斑鬢未全疎

送汪郡丞之秋浦

東風初拂柳條斜南去褰帷傍水涯舊掌圖書開秘府

惠山先生詩集 卷四
新辭禁苑放仙槎
夢中起草還三殿
樓上看山是九華
秋浦題詩懷李白
江城滿眼正飛花

翁武元之官黃州陳康侯索一言之贈

漫說交遊萬事慵
相聞客舍倦過從
夢回明聖湖頭月
吟過慈仁寺裏松
燕市尊開文字飲
楚天春去水雲重
岐亭赤壁風流地
拄笏西看江上峰

二月二日雪

夜半疎簾作曙暉
朝傳雪片壓雙扉
宮梅苑柳春先入
隴麥畦蔬願不違
文酒兔園諸子在
野橋驢背幾人歸
久晴轉覺輕寒好
捲幔從教點客衣

己未二月朔同被徵諸臣集試體仁閣

上賜食且宣諭曰館選廷試例不給饌嘉爾等學行名
儒優以曠典是日治南饌張椅坐蓋前所未有
也恭賦紀恩

減膳深知念萬方大官珍賜喜初嘗天漿捧出金莖遠
宮饌分來玉粒香葵藿腐儒沾醉飽絲綸溫語重輝光
華筵異數承恩渥載筆還歌湛露章

元旦擬早朝

丹闕晨開敞御筵朝元會好傍爐烟春回曉日螭廷暖
風細卿雲鳳閣懸宵旰勤思荒服外衣冠拜舞聖人前
稱觴進璧渾閒事共擬南征奏凱篇

同毛會侯曹賓及梅耦長宿張見陽西山別業

馬首看山日向西
藍田莊好一招携
蘿陰別館綠溪靜
竹外繁花拂檻低
雨過林深雲不散
殘春谷暖鳥初啼
千峰四面青如許
醉逐東風信杖藜

彭直上孝廉下第歸南陽

禹峰開府之子

南陽歸去舊山廬
到日花翻紅藥初
自有天人供奉對
不妨河岳暫樵漁
一門才號高陽里
兩葉經傳中壘書
猶憶論詩接開府
春明執手重躊躇

寄阮巖山

風期爭說嗣宗稀
五馬天中早拂衣
瘴海人傳馴雉處
澄江花繞釣魚磯
怡顏大藥留春髻
高枕晴窓見翠微
子弟能文誰得似
園林綠竹莫教違

送崔友尚南還用耦長韻

一尊未醉忽言歸
紅葉花時手重揮
雨歇宮雲遙送馬
風回江柳綠侵衣
看山好就烟中寺
領客還開竹裏扉
眼底崔駟人共識
離情鄉思却依依

答俞達夫神木見寄

尺書經歲達長安
恨別驚心破涕看
古樹冰霜春不到
炎天鞞鞞晝猶寒
請纓虎穴孤忠見
倚劍龍堆獨戍難
漢主還應思李牧
積雲邊月路漫漫

請益兵

鎮將叛時獨以守
脩抗節使人間道

馮少司寇再來席上作

舊國仙臺碧海涯
振衣曾躡赤城霞
眼前京雒從爲客

長山先生詩集卷四
夢裏滇雲尚有家，貪坐夜闌移片月。含情春去見飛花，
承明曳履還青鬢。莫遣鄉心感歲華。

送張見陽之任江華

春游同醉憶花亭，遠送當筵酒易醒。匹馬直臨三楚盡，
仙峰深入九疑青。家餘旌節傳開府，亂定風檣過洞庭。
但使道州遺澤在，春陵山畔好重經。

劉蘧菴進士歸南陵省覲

浮雲馬首惜相違，客舍鄉情似汝稀。南浦暫辭金闕去，
北堂親見綵衣歸。文章價重還清秩，亭館花深接翠微。
鮑氏乘驄君舊業，莫因調餼戀漁磯。

病中答問亭善長見示次韻

秋聲昨夜到階除
藥臼茶鐺獨晏如
問訊數回窮巷客
疎慵從委半牀書
身依北闕經旬臥
心憶青溪夢夜漁
遠在瑤華當七發
一庭新月悵離居

趙雲岑監司湖南驛鹽

青門殘暑重驅車
廿載交情白首餘
造次衡陽當日事
間關洱海數行書
官臨三楚旌麾遠
地靜諸蠻埃火疎
好客平生懷抱在
持籌鹽鐵意何如

葉井叔暫歸黃州

節近重陽不肖留
黃花苦憶故園秋
高歌去徬岐亭好
清夢時回嵩少遊
驛路霜催燕客騎
江門楓落楚天舟
莫論後會人難健
此日相看已白頭

病中次方鄴見寄

長安冠蓋逐時新，清秩何由被老臣。詞賦從來同鄭衛，

時召試以詩賦干戈猶復動滇閩。投書才力看華髮，伏枕生涯

曠紫宸。有修史之役會病臥逾月遙憶溪山輪穩坐，藤陰石畔好垂

綸

金明寺放生池

灌木疎篁白晝陰，重聞澤國出香林。梵鐘聲徹魚龍醒，

漁艇機忘江海深。人靜惠莊知極樂，地幽支許數相尋。

眼前兵氣銷難盡，解網誰能共此心。

贈宋叔遂

黃塵蹀躞御溝頭，高歌斗酒久淹留。公卿把臂不相放，

聞闔上書誰見收
南飛寒雁向歸路
朔吹丹楓生客愁
江湖斫脰且縱棹
漫將鯖味煩五侯

和耦長移館書懷

空庭昨夜菊初殘
霜白天高歲又闌
巷僻總輸三逕靜
官閒何似五湖寬
詩妨人事吟成少
愁滿鄉書寫盡難
咫尺素交稀見面
棲遲誰得一枝安

王侍讀答耦長餉木瓜酬倡至再屬和元韵

舊貢宣州土物傳
携來還帶故山烟
香風似傍蘭皋坐
品目元居橘頌前
幽谷華林全不改
旅人詞客總應憐
同聲託好頻投報
冑數何郎賦一篇

宋何丞天
有木瓜賦

鄉心遇物重難陳
手植家園憶苦辛
遊冶不同芍藥贈
驛騷羞比荔枝塵
壓來香汗和紅粉
杖取靈根掖老人
我意惟將伴書卷
新詩一嗅一回新

施愚山先生學餘詩集卷之四十終